

S T E N O G R A M
DESETE RADNE SJEDNICE SKUPŠTINE KANTONA SARAJEVO
ODRŽANE U Ponedjeljak, 24.06.2019. godine
SA POČETKOM RADA U 10,00 sati

Predsjedavajući:

Otvaram Desetu Radnu sjednicu Skupštine Kantona Sarajevo. Himna BiH.

Provjeravali smo treba li, skupštinski zaključak kaže na početku svakog zasjedanja intonirat će se himna, pa smo zato malo tehnički kasnili.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice.

Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 28 zastupnika, što je dovoljan broj za punovažan rad i odlučivanje.

Kao i danas, izostanak su najavili kolega Delalić, kolega Pleho Haris.

Prijedlog dnevnog reda Desete radne sjednice Skupštine Kantona Sarajevo utvrdio je Kolegij Skupštine na sjednici održanoj dana 12.06.2019.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 20.06.2019. godine, prihvatio je da se Prijedlog dnevnog reda Desete radne sjednice, dopuni sa sljedećom tačkom:

1. Nacrt zakona o dopunama Zakona o preuzimanju, izmjenama i dopunama Zakona o zakupu poslovnih zgrada i prostorija (razmatrat će se kao tačka 4.)

Prije prelaska na utvrđivanje Dnevnog reda podsjetio bih vas da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

U okviru prethodnog postupka prelazimo na Prijedlog izmjena i dopuna Budžeta Kantona Sarajevo za 2019. godinu, po hitnom postupku.

Predstavnik predlagača molim da obrazloži razloge donošenja ovog Zakona po hitnom postupku. Ministar Amel Kovačević.

Ministar Amel Kovačević: UVODNO IZLAGANJE

Predsjedavajući:

Dobro, hvala vam. Ima li pitanja za ministra glede objašnjenja za hitnost? Niko se ne javlja. Otvaram raspravu. Mahir Dević rasprava. Nema pitanja, kolega Dević rasprava o karakteru hitnosti.

Poslanik/zastupnik Mahir Dević.

Probat ću da budem kratak i koncizan da samo iskažem ovu tendenciju koja se već dešava i da kažem stav Kluba SDA bez namjere da ulazimo sada u neku široku raspravu da ne gubimo vrijeme. Mi smo bili svjedoci da smo usvojili Budžet Kantona Sarajevo pod upravo istim izgovorom kako je jako hitno, važno je zbog integracije UNSA, ne mogu projekti čekati. I tada smo bili suočeni sa situacijom da smo ovdje imali sjednicu bukvalno bez materijala. Ali dobro, to je ono sada što je prošlo. I na toj sjednici naš uvaženi premijer, mogu ga i citirati tačno sve šta je govorio od slova do slova u stenogramu ovdje koji je pored mene je rekao da će sve te stvari, svi ti projekti biti ispravljeni kroz rebalans budžeta kojeg je tada već najavio. Naravno evo prošlo je skoro sedam mjeseci od imenovanja te Vlade i mi ponovo ulazimo u Izmjene i dopune Budžeta po hitnoj proceduri. Ja razumijem naravno potrebu Vlade da ona radi, da realizira projekte, razumijem i ministra finansija koji je spomenuo ovdje neke stvari koje treba da radi parlamentarna većina i Vlada ali zaista ono što propisuje Poslovnik,

odredbe Poslovnika ovdje u svim ovim stvarima apsolutno nema karaktera hitnosti. Znači mi ulazimo u jednu fazu da pravimo neka ad hoc rješenja da nabijamo neki tempo, pravimo neku dinamiku da bi smo imali nekih sjednica, ne znam, devet deset itd, a kvalitet svega toga bojim se da stavljamo na neki način pod upitnik. Tako da evo, bez želje da dalje raspravljamo, repliciramo, naravno, mi nećemo podržati hitni postupak jer smatramo da to ne može ići u hitnoj proceduri. A naravno uzet ćemo raspravu ukoliko hitni postupak prođe po pitanju izmjene i dopuna Budžeta. Hvala.

Predsjedavajući:

Hvala kolega Deviću. Zaključujem raspravu. Niko se više ne prijavljuje za raspravu.

Molim zastupnike da pristupe izjašnjavanju da se Prijedlog izmjena i dopuna Budžeta Kantona Sarajevo za 2019. godinu donese po hitnom postupku.

Molim rezultate glasanja.

ZA JE GLASALO 21, PROTIV 8 I SUZDRŽAN 0.

Konstatujem da je Skupština usvojila prijedlog da se Prijedlog izmjena i dopuna Budžeta Kantona Sarajevo za 2019. godinu donese po hitnom postupku.

Drugi Prijedlog zakona po hitnom postupku je Prijedlog zakona o izmjeni Zakona o izvršavanju Budžeta Kantona Sarajevo za 2019.

Isto vam je obrazloženje, ako treba ponovo neki uvod. Uvod ne treba. Imate li pitanja ili rasprave. Kolega Dević, rasprava jel? Rasprava.

Poslanik/zastupnik Mahir Dević:

kratko samo. Naravno uz isto obrazloženje, isto sve, mi nećemo to podržati.

Predsjedavajući:

zahvaljujem kolega Dević. Zaključujem raspravu. Nema više prijavljenih.

Molim zastupnike da pristupe izjašnjavanju o Prijedlogu da se Zakon o izmjeni Zakona o izvršavanju Budžeta Kantona Sarajevo za 2019. donese po hitnom postupku.

Molim rezultate glasanja.

ZA 21, PROTIV 8, SUZDRŽANIH NIJE BILO.

Konstatujem da je Skupština usvojila i ovaj Prijedlog.

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Bilo je nekoliko prijedloga, ali procedura kaže da se dnevni red utvrdi a da se onda Skupština izjašnjava o prijedlogu da se prva tačka, poslanička, zastupnička pitanja i inicijative i odgovori razmatra kao posljednja. Tako da ću vas zamoliti da prvo usvojimo dnevni red a onda ću dati ovaj prijedlog na izjašnjavanje.

Dnevni red glasi:

1. Poslanička/zastupnička pitanja, inicijative i odgovori;
2. Prijedlog izmjena i dopuna Budžeta Kantona Sarajevo za 2019. godinu - hitni postupak;
3. Prijedlog zakona o izmjeni Zakona o izvršavanju Budžeta Kantona Sarajevo za 2019.godinu - hitni postupak;
4. Nacrt zakona o dopunama Zakona o preuzimanju, izmjenama i dopunama Zakona o zakupu poslovnih zgrada i prostorijs;

5. Prijedlog odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća područja Kantona Sarajevo za period 2019. – 2023. godine.

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Možete glasati. Molim rezultate glasanja.

ZA JE GLASALO 21, PROTIV 8 i SUZDRŽANIH NIJE BILO.

Konstatujem da je Skupština usvojila Dnevni red.

A sada vas molim da se prijedlog da se tačka 1. Poslanička/zastupnička pitanja i inicijative i odgovori razmatra kao zadnja tačka, da se izjasnite o ovom prijedlogu.

Molim rezultate glasanja.

ZA JE GLASALO 20, PROTIV 9 i SUZDRŽAN NIŠTA.

KONSTATUJEM DA JE SKUPŠTINA USVOJILA OVAJ PRIJEDLOG.

Jedna mala korekcija, 26.og će biti šest mjeseci kako je izabrana nova Vlada nije sedam.

Druga tačka:

AD – 2.

PRIJEDLOG IZMJENA I DOPUNA BUDŽETA KANTONA SARAJEVO ZA 2019. GODINU - HITNI POSTUPAK

Prijedlog zakona ste dobili uz poziv za sjednicu. Ministre Kovačeviću imate prezentaciju? Dobro. Molim rukovodstvo da pređe dole u prve redove. Zastor da spustite.

Ministar Amel Kovačević: UVODNO IZLAGANJE (PREZENTACIJA)

Predsjedavajući:

Koligice i kolege, izvolite, pitanja za ministra Kovačevića i Vladu. Kolega Mahir Dević se prvi javio izvolite.

Poslanik/zastupnik Mahir Dević.

Ja ću postaviti pitanje premijeru zato što je on prvi unutar Vlade. Zanima me podatak, čisto radi javnosti, da se kaže koliko je planirano inostranog zaduženja a koliko domaće zaduženje u milionima KM u ovom rebalansu budžeta Kantona Sarajevo. Broj jedan. I broj dva, da li premijer misli da je to odgovorna politika uzimajući u obzir činjenicu da ovaj ponder 2 po kome se Kantona Sarajevo finansira je stalno tema nekih rasprava. Šta ukoliko se desi ne daj bože da dođe do promjene jednog takvog pondera 2 u šta bi to onda odvelo budžet Kantona Sarajevo i sam Kanton Sarajevo? Eto ta dva pitanja.

Poslanik/zastupnik Mirza Čelik:

Zahvaljujem predsjedavajući. Pošto se javljam prvi put, pozdravljam sve prisutne kao i gledaoce pored malih TV ekrana. Pa ja imam nekoliko pitanja. Pa ovako, krenut ćemo, pitanje za Vladu pa ko god želi da odgovori. Na strani 60 njihove evidencije ja ću to iščitavati. Dokle je stigao projekat izgradnje i opremanje tramvajskih stajališta za kontrolnu naplatu karata i uvođenje elektronskih sistema naplate? Prvo pitanje. Drugo pitanje na strani 65 budžeta izgradnja novog objekta za potrebe MUP-a koliko vidimo da je ta stavka umanjena. Sa 3,5 miliona ostao je samo 1 milion. Na strani 69, konto 615 400 podrška KJP Centar Skenderija doo Sarajevo. Bilo je planirano 100.000 a u izmjenama i dopunama Budžeta 300.000. Smatram da je ovo jedan mali pomak ali da smo mogli puno bolje ali predlažem do kraja rasprave da se svakako Vlada referiše vezano za ovu tačku i da proba uvrstiti još dodatnih

200.000 kako bi mogla, odnosno kako bi uprava mogla kvalitetno raditi svoj posao a znamo da su veliki pomaci u samom poslovanju Centar Skenderija. Četvrto pitanje, na 80 strani Izgradnja OŠ na Stupu. Umanjeno sa 100.000 na 1000. Razlog? Na strani 248 ja se izvinjavam što polako ali evo čisto zbog Ministarstva ili neki od ministara koji će odgovarati da bi mogli pratiti, evo strana 248 to je tiče se zakupa objekta već da li je 0 o9 i o10. To su ove dvije zgrade u Otesu GPA. I na 249 strani imamo kupovina zgrade na Otesu 9 i Otesu 10 planirana su sredstva samo da nas informišete pošto sam ja podnosio i mnoge kolege, evo kolega Zvonko, mi smo obilazili u prošlom mandatu. Često smo posjećivali te dolje zgrade znamo šta se dešava i koliki su troškovi vezano za zakup. Evo imate i vi uvid u ovome kako to da do sada se nismo mogli dogovoriti sa ovom firmom koja bi bila kako smo informirani u 2017 koja je i kada su se stvorili uslovi za kupovinu te dvije zgrade, a znamo kakav je ugovor potpisan, a to je suština da moramo vratiti te dvije zgrade u prvobitno stanje onako kako smo kada je počeo najam tih zgrada. Što znači morat ćemo kompletnu infrastrukturu promijeniti od krova do bukvalno temelja. I na strani 266 licence. Samo da nam objasnite koje su to licence, nabavka licenci. Toliko za sada. Hvala.

Poslanik/zastupnik Damir Marjanović.

Ja vam se zahvaljujem. Pitanje za uvaženog ministra i premijera Vlade. Molim vas jedna od bitnih tačaka nedavne Skupština je bila Strategija za mlade. Molim vas da u ovom Rebalansu kojim ste predvidjeli tačno pobrojite koje su to sve tačke usmjerene upravo ka poboljšanju položaja mladih. Hvala.

Poslanik/zastupnik Vildana Bešlija:

Hvala. Ja ću ovako postaviti pitanje vezano za prihode od indirektnih poreza koj i su planirani u skladu sa instrukcija Ministarstva finansija FBIH. Interesuje me po ocjeni ministra da li su realna očekivanja da će ovi prihodi u FBIH rasti po ovako optimističnoj stopi od 11%? i napomena da je stopa rasta u 2018 bila 12%. također interesuje me, s obzorom da u rebalansu su prihodi po osnovu kantonalnih naknada znatno uvaženi, za više od 20 miliona, od 51,9 miliona na 72,6 miliona. Možemo li dobiti neko objašnjenje za ovo? D ali postoje namjere Vlade da se neke od kantonalnih naknade smanje i tako omogućiti rasterećenje realnog sektora i građana Kantona, što je u skladu sa jednom od inicijativa koje sam ponijela. I posljednje pitanje, 1 milion KM je planiran za opremanje skloništa za pse u koje sklonište će biti izvršenja ulaganja i da li je već počela realizacija?

Poslanik Vedran Jakupović:

Zahvaljujem predsjedavajući. Par tehničkih pitanja. Prvo se odnosi na Hadži Sinanovu tekiju. Stavka je bila na tekućem kontu kulture. Bila je 150.000 sada ne 0. u koji je dio kapitalnih prebačena? U kojem kontu tačno, smo objašnjenje koja je stavka. Drugo pitanje ili molba postoji li mogućnost da se stavka koja se zove „Bijela tabija” preimenuje u Stari Grad Vratnik? Nacionalni spomenik Stari Grad Vratnik što bi se odnosilo na sve tabije, svih pet tabija, bedeme i tri kule koje su vezane, odnosno koje čine stari grad Vratnik. I stavka fasade, opet Zavod za zaštitu kulturno historijskih spomenika kantonalnih, koji je iznos planiran. Bilo je govora oko pola miliona, to je taj iznos koji stoji. Eto zahvaljujem.

Poslanik/zastupnik Samra Ćosović Hajdarević.

Zahvaljujem. E ovako, ja bih samo da ponovim svoje pitanje sa prethodne diskusije kada se Budžet usvajao a evo vidim i sada da je stavka za zbrinjavanje pasa lualica ostala u budžetu. A pričali smo tada, tražila sam da se otvori stavka za majke sa troje i više djece kako bi smo podstakli taj natalitet ko ji je u ekstremnom padu u našoj državi. Pa me interesuje šta Vlada i na ko ji način planira da izvrši taj poticaj da se majke zbrinu sa troje i više djece. Sljedeće pitanje koliko je do sada procentualno iskorišten budžet. Koliko je ukupno penala platila

Vlada vezano za penale za neiskorištena sredstva EBRD-a? Koji su tačno projekti koje je Vlada započela u ovoj godini? I to je to zahvaljujem.

Poslanik/zastupnik Elvis Vreto:

Hvala predsjedavajući. Ja ću postaviti nekoliko pitanja. Prvo se odnosi za Ministarstvo komunalne privrede. Radi se o prečistaču otpadnih voda u Butilama. Vidim da su dvije stavke od 500, sufinansiranje postrojenja za preradu mulja i nadogradnja prečistača otpadnih voda i zbrinjavanja na efikasan način otpadnog mulja jedna u iznosu od 500 a druga u iznosu od 501.000 ukinute. A da je otvorena nova stavka zbrinjavanje mulja na prečistaču Butila u iznosu od 301.000. volio bih da nam se pojasne razlozi kao i ono što je bitno da naglasim inicijativu koju sam pokrenuo za formiranje ekspertnog tima za retroaktivnu reviziju i plan svih važnih ekoloških projekata. Ovim putem želim da se zahvalim kolegi Zvonki Mariću koji je na prethodnoj sjednici podržao tu pokrenutu inicijativu. Nadam se da ćemo interesorno doći do rješenja zajedno sa nadležnim ministarstvima iz ove oblasti. Drugo pitanje se isto tako odnosi za Ministarstvo komunalne privrede i infrastrukture. Ukinuta je stavka izrada elaborata, rekonstrukcije i čišćenja toka rijeke Miljacke u iznosu od 150.000. interesuje me razlozi. Treće pitanje se odnosi za Ministarstvo privrede umanjena je stavka infrastrukturno uređenje i rješavanje imovinsko pravnih odnosa u privrednim i poslovno industrijskim zonama za 840 000. Isto tako volio bih da čujem koji su razlozi jesu li oni tehničke prirode ne mogućnost implementacije tih sredstava u ovoj godini. Jer je ova oblast jako važna kada gledamo i prihodovnu stranu. Četvrto pitanje se odnosi na školu na Stupu koju je već kolega Čelik postavio pa me interesuje kakva je komunikacija s lokalnom zajednicom. Postoji li dovoljno informacija po pitanju ove škole, izgradnje i kada se može očekivati rješenje po ovom pitanju? To su ta pitanja koja se odnose po pitanju izmjena i dopuna budžeta želim da postavim nadležnima i Vladi. Hvala.

Poslanik/zastupnik Amra Hasagić.

Pozdravljam i selamim prisutne kao i sve one koji na bilo koji način prate rad današnje sjednice. Obzirom da ministrica Bogunić nije prisutna ja ću svakako pitanje postaviti na posljednjoj tački dnevnoga reda u okviru Poslaničkih pitanja i inicijativa. Ali evo obzirom da imamo priliku i ovako da upitamo ja postavljam pitanje ministru finansija, na 26. redovnoj sjednici opštinskog vijeća Vogošća održanog 28.03.2019 godine pokrenuta je vijećnička inicijativa o adaptaciji postojećeg objekta područne škole Budušići koja pripada OŠ Mirsad Prnjavorac Vogošća. Da li vam je ikada ova inicijativa prosljeđena od strane Ministarstva za obrazovanje i da li je uopće razmatrana i da li imate namjeru jer vidim da u rebalansu apsolutno nema i ne pominje se. Hvala.

Poslanik/zastupnik Bilsena Šahman:

Hvala ja imam samo jedno pitanje za ministra Adnan Štetu pošto vidim da je Ministarstvo saobraćaja najviše novca dobio iz budžeta i da su predviđena nova vozila za gradski prevoz. Da li je predviđena i zvučna signalizacija semafora i obavijest o stanicama u vozilima gradskog prevoza? To je bila jedna od mojih inicijativa pa zato me interesuje.

Poslanik/zastupnik Jasmina Bišćević – Tokić.

Zahvaljujem. Evo imam pitanje za premijera Fortu. Na prošloj sjednici kada je bila riječ o budžetu obećao mi je da će ugraditi u Rebalans što može se vidjeti stenogramom vezano za pronatalitetnu politiku, mislim za jednokratne pomoći vezano za porodilje. Zatim zanima me podrška za predškolski odgoj. Ministar je rekao da je namijenjeno 2 miliona. Da li se misli o sufinansiranju vrtića koji je bio amandman Kluba zastupnika SDA na prošloj sjednici kada smo razgovarali o budžetu i zanima me za programe preventivne zaštite koje je bilo izdvojeno 250.000 uopšte šta se krenulo po tom pitanju i koji program preventivne zaštite su

već krenuli? Zahvaljujem.

Poslanik/zastupnik Jasna Duraković:

Zahvaljujem predsjedavajući. Srdačno pozdravljam sve kolegice i kolege i prisutne medije i naravno i građane Kantona Sarajevo. S obzirom da se prvu put danas javljam moje pitanje je usmjereno prema Ministarstvu za rad i socijalnu politiku raseljena lica i izbjeglice Kantona Sarajevo i tačnije ministra Garibiju. Naime, ja ću reći da smo mi održali i prethodnom periodu nekoliko sjednica komisije za rad i socijalna pitanja, kojom ja evo predsjedavam i ostali su nam na žalost iz Ministarstva dužni za taj odgovor pa evo sada vam postavljam to pitanje. Mene zanima da li su predviđena, da li je predviđeno povećanje sredstava koja su u budžetu bila predviđena za isplate dječjeg doplatka u Kantonu Sarajevo i ko ji je to iznos zapravo koja će biti osnovica, pošto znam da smo o tome govorili u prethodnom periodu. To je bilo najavljivano pa evo zanima me konkretno šta je s tim pošto iskreno rečeno nisam nigdje našla tu stavku sada u novom dokumentu. Toliko zahvaljujem.

Poslanik/zastupnik Zvonko Marić:

Zahvaljujem predsjedavajući. Evo u svjetlu aktuelnosti današnjeg ispadanja iz šina tramvaja, budući da je neko već spomenuo stavku vezano za saobraćaj odnosno Ministarstvo saobraćaja interesira me da li je iz ove stavke izdvojeno za popravku šina jer nekako imam dojam da u mnogim dijelovima pruge, ta cesta i taj asfalt podsjeća na Kabul u Avganistanu. Nevjerovatno je da se na takav način po tim šinama saobraća. I bojim se da će doći do nesreće danas nije bilo bilo kakvih težih posljedica ali treba se voditi računa o tim prioritetima stoga me zanima da li postoji u budućnosti namjera da se više novca uloži barem u ovakvo vanrednim situacijama kao što je rebalans budžeta za ove namjere. Druga stvar je nikako ne mogu da prežalim način što smo pribjegli subvencioniraju zbog povećane cijene plina od preko 8 miliona KM: i to se moglo za neka kapitalna ulaganja riješiti i bojim se da ne ulazimo, a volio bih da čujem mišljenje i predstavnika Vlade i ministra finansija da to ne postane svojevrsni manir pa da uzimamo novac iz budžeta pa namjenjujemo ga subvencioniranju jednoj vrsti socijalnih davanja a ne ulaganja u neke nove kapitalne projekte. U vezi s tim i kolegica Bišćević je pomenula nju živo interesira da li je to inicijativa vezano za subvencioniranje djece u obdaništima i vrtićima. Mene ne zanima ko je pokrenuo tu inicijativu ali očigledno je da je to isti manir za subvencioniranje plina i ne bih volio da Vlada ide u tom smjeru ali ovo mi potvrđuje da su zapravo ti maniri su svojstveni i ranijim vlastima i evo dešava se i ovima. Zamislite za 8,5 miliona, a otprilike 2 miliona i nešto predviđeno za subvencioniranje između privatnih obdaništa i javnih obdaništa. Ta razlika u cijeni da to ne postane manir Vlade. I volio bih da se izjasni premijer ili ministar finansija da li nastavljamo na ovom kursu na ovom putu što mislim dane bi bilo dobro jer svaki put kada je krizna situacija nema sistemskih rješenja već posegnemo za jednom vrstom socijalnih davanja. Hvala vam.

Poslanik/zastupnik Admela Hodžić.

Zahvaljujem. Pa evo ja ću se nadovezati na ovu temu o subvencioniranju plina i korisnika naših sugrađana korisnika Toplana. Znamo da će se ti računi subvencionirati, ustvari plin će se subvencionirati u iznosu od 30% pa ostale građane zanima koji ne koriste plin da li će ikada doći u priliku da se njihovi računi za nabavku energenata za zagrijavanje subvencioniranju u istom iznosu. Jer ovdje subvencioniramo i one koji imaju veće plaće i manje u istom procentu dok ostali građani nisu u tako povlaštenim pozicijama. I još jedno pitanje ovdje je spomenuto nespremnost projekata samo da nam pojasnite o čemu se radi, koji su projekti u pitanju? Hvala.

Poslanik/zastupnik Hamed Aljović:

Zahvaljujem predsjedavajući. Moje prvo pitanje upućujem prema Ministarstvu privrede odnosno ministru privrede Kantona Sarajevo. Vidim u Budžetu je bilo planirano za vertikalni transport za Bjelašnici 150.000 sada tih sredstava nema. Pa me zanima koji je razlog? Drugo pitanje upućeno prema ministrici obrazovanja, pošto nje nema, onda premijeru. Da li su predviđena sredstva za najavljene školske timove: pedagog, psiholog i socijalni radnik u svim školama, osnovnim školama u Kantonu Sarajevo. Pošto se to već odavno najavljuje a ne vidim ovdje da su planirana sredstva. I drugo pitanje prema Ministarstvu obrazovanja, isto premijeru, šta je sa fiskulturnom salom u školi u prirodi u Šabićima pošto vidim nema planirano je 0 a znamo da se ta fiskulturna sala planira da se radi. Zahvaljujem.

Poslanik/zastupnik Damir Nikšić:

Hvala. Nekoliko pitanja. Prvo kod projekta utopljanja da li ste razmatrali prijedlog korištenja industrijske konoplje? I da li ste razmišljali o zelenim fasadama i zelenim krovovima. Ovo zeleno sada nema veze sa industrijskom konopljom i konopljom uopšte. Već zeleno kao odgovor na aero zagađenje s kojim imamo problem. Isto tako me interesuje da li je budžetom, nisam uspio da vidim predviđeno neka veća akcija pošumljavanja Kantona i ozelenjavanja grada. Isto radi problema zagađenja. Isto zbog zagađenja. Da li postoji ja sam našao da postoji ali ne znam da li se radi na tome, projekt reprogramiranja semafora i programiranja jednog efikasnog zelenog vala u Sarajevu koji bi bio dio rješenja isto tako problema aero zagađenja na taj način što će u više režima pomagati da se ujutro grad brže napuni a popodne isprazni bez većih gužvi i dodatnog zagađenja. Ne znam da li to ima, nešt sam našao. E sada kada smo već kod toga da li igdje na vidiku mene zanima postoji ponovno oživljavanje željeznice pruge voza koja može, treba i mora rasteretiti glavni grad od nepotrebnog saobraćaja i zagađenja. Da li postoji ikakva ta relacija sa federacijom i to sve. I pošto sam vidio, još zadnje pitanje, da su aktuelne vidio sam ovo uklanjanje prepreka za invalide i to, da li će se poraditi na pješačkim zonama i pješačkoj kulturi pa čak i danima terminima kada se proglašavaju neki dijelovi grada pješačkim zonama. Isto tako u sklopu smanjenja zagađenja i povećanja prohodnosti grada. Hvala.

Predsjedavajući:

Zahvaljujem. Ako nema više pitanja ministre Kovačeviću koliki je tačno iznos kapitalnih projekata ili kapitalnih investicija u budžetu možete li nam to reći?

Pitanje je za vas i to zadnje odgovorite i ja zadnji govorim. I radi stenograma molim vas samo da aktuelizirate problem djece Pazarića problem njihovog prevoza za koji smo uputili nekoliko dopisa i inicijativu za otvaranjem ili izgradnjom nekoliko dječjih igrališta u opštinama u kojim taj sadržaj za naše najmlađe sugrađane fali. Zahvaljujem. Ministre Kovačeviću, premijeru. Kojim ćete redom vi recite. Izvolite.

Premijer Edin Forto:

Ja ću kratko jer će ministri svako za svoj resor odgovarati a onda šta preostane onda ću ja. Ono što sam htio ustvari reći, što je ustvari krupno pitanje strateško pitanje koje mogu odgovoriti odmah da li se odgovorno zadužujemo i da li možemo vratiti ovaj novac i šta će se desiti u slučaju promjene priliva prihoda sa viših nivoa vlasti? Mogu odgovorno reći da se ova Vlada vrlo odgovorno zadužuje. Ovo što smo sada najavili od ino zaduženja znači sa 297 sadašnjeg zaduženja na 365 koje smo izmijenili u ovom rebalansu to su ustvari pripreme zaduženja. Većina ovog novca će se ustvari realizirati tek u narednim godinama. Ne u 19 ali su potrebna da se unesu kako bi se pokrenule procedure ino zaduženja preko viših nivoa vlasti. Npr. 20 miliona Km upisujemo za energetska efikasnost u javnim objektima, to su sve one zgrade u kojima je vlasnik Kanton, poput škola, vrtića, opština itd. Mi to tek možemo sljedeće godine trošiti taj novac ali ga već sada moramo staviti u budžet. Od tih 20 miliona, 4 miliona su grant sredstva, suštinski se zadužujemo za 16 miliona ali i dalje stoji 20. tako da

ima tu nekoliko stvari koje potpuno utiču na dinamiku trošenja ovih sredstava ali mogu vam reći mi smo na Vladi radili analizu. Ministar Kovačević nam je to prezentirao, mogućnost zaduženja Kantona Sarajevo uz neke konzervativne prihode u budućih desetak godina. I mogu vam reći da se ova Vlada neće bojati zaduženja za dobre stvari. A dobre stvari su posebno ove stvari projekti iz energijske efikasnosti, javnog transporta, ulaganja u obrazovanje i sve ono što nam daje povrat u budućim godinama. To je ovo veliko pitanje koje mislim da je stvarno na mjestu jer mi smo na njega već odgovorili na Vladi i vrlo smo oprezno to analizirali. Ja bih sada pustio da svi ministri za svoje resore odgovore, a onda ono što ne bi moglo, uključujući obrazovanje jer ministrica trenutno opravdano nije tu, ja ću onda odgovoriti na kraju za ostalo. Pa evo možda Kovačević da počne pa onda ostali kako su išla pitanja. Izvolite.

Predsjedavajući:

Kojim ćete redom izvolite. Prijavljujte se. Ministar Kurić.

Ministar Mirvad Kurić.

Evo pozdrav svim gledateljima KTV i vama prisutnima. Bilo je pitanje Hadži Sinanove tekije gdje su sredstva. Ona se nalaze na kapitalni transferi Gradu i općinama 675 100 MAI 001 i tu je vidite odvojeno 150 000 KM. I bilo je pitanje za uređenje fasada one se nalaze na poziciji Kantonalnog Zavoda za zaštitu kulturno historijskog i prirodnog naslijeđa 526500 KM. I to je 615 300 MIU 010. uređenje fasada. Ako ima pitanja.

Ministrica Amela Sofić.

Dakle dobar dan svima. Pitanja su bila vezana za skrining programe. Jedno pitanje za skrining programe i izdvojena sredstva od 250 000 KM. Moram da kažem da su skrining programi prepoznati od strane ovog Ministarstva i da dugi niz godina uopće nisu bili prepoznati i dovoljno realizirani. S obzirom da mi nemamo adekvatne nacionalne skrining programe kao što to imaju zemlje u okruženju i u svijetu, i s obzirom da je karcinom dojke na prvom mjestu po obolijevanju žena i na prvom mjestu po smrtnosti shvatajući važnost toga mi smo već poduzeli sve aktivnosti i donijeli odluku o preventivnim programima gdje je napravljen program skrininga za dojku u saradnji sa Zavodom za zdravstvenu zaštitu žena i materinstva da bi se realizirali ti novci potrebno je planirati i pripremiti adekvatne programe. I očekujemo tokom ljeta, početak skrininga dojke sa mamografijom. Također nam je od ove ustanove dostavljen i program ovih dana za HPV tipizaciju, vi znate da je HPV virus uzročnik karcinoma grlića maternice tako da do jeseni očekujemo implementacije i tog skrining programa. Dakle sve smo poduzeli i pripremili. Što se tiče 100. 000 KM koja su planirana za pokrivanje zdravstvenog osiguranja iz osnovnog paketa prava za trudnice vi sigurno znate da je to prvi puta uradilo ovo Ministarstvo na prijedlog Vlade i da je to projekat i program koji nikada do sada nije predviđen. To su trudnice koje nemaju zdravstveno osiguranje. Također to kreće vrlo brzo. Ministarstvo je pripremio prijedlog dopune odluke o osnovicama i stopama doprinosa da se u nju ugrade i trudnice i porodilje koje nemaju zdravstveno osiguranje po ne kom drugom osnovu. Taj prijedlog smo uputili prema ZZO Kantona Sarajevo prema novim upravljačkim strukturama koje pokazuju senzibilitet za ovu problematiku. Da oni daju svoje mišljenje i na tome moramo zajednički raditi. Čim dobijemo mišljenje idemo prema Vladi i Skupštini da se donese dopuna jer to nam je pravni osnov za plaćanje osiguranja za trudnice i porodilje. Toliko.

Ministar Haris Bašić:

Hvala lijepo. Po mojoj evidenciji imao sam tri pitanja, odnosno tri pitanja su upućena meni. Kolega poslanik Mirza Čelik vezano za Skenderiju. Hvala što je primijetio. 300.000 je povećano. 200.000 za izmirenje poreznih obaveza prema dogovoru iz razdoblja 2014-2016 godina. Odnosno podrška otplati duga prema Poreznoj upravi 2014-2016. 100.000 za

potencijalne projekte jer u proteklih nekoliko godina kao što je sam kolega Čelik primijetio Skenderija se revitalizira, ona postaje sve aktivnija i sve veći broj korisnika kojima je Skenderija partner ili mogući partner, prepozna je taj kvalitet tako da želimo unaprijediti rad. Kada sam došao u januaru nisam bio upoznat sa svim detaljima rada Skenderije. U proteklih pet šest mjeseci sam se upoznao i ocijenio u saradnji sa rukovodstvom Skenderije da vrijee ove stvari podržati a evo nadam se da ćete i vi imati slične zaključke. Kolega Elvis Vreto je pitao je zašto smo umanjili budžet od 840.000 KM. Izvinjavam se, mi nemamo priliku često da govorimo. Nismo se navikli malo, oprostite. Kolega Poslanik/zastupnik Elvis Vreto je primijetio nešto što sam se nadao da ćete primijetiti i on je to učinio. Umanjenje od 840 000 KM na budžetskoj stavci podrška infrastrukturnim zahvatima za poslovno industrijske zone. Dakle o čemu je riječ? Vrlo jednostavno objašnjenje i za žaljenje ali svi smo mi na neki način morali u Vladi učiniti određen napore da obezbijedimo 8 miliona KM subvencija za plin. Tih 840 000 sa ove tačke budžeta sa ove pozicije unutar budžeta su prebačene na tekuće transfere za subvencije za građane i privredu u vezi plina. I dodao bih samo da nakon konsultacija koje sam uradio unutar Ministarstva shvatio sam da nisu ipak svi projekti koji su nam do sada bili delegirani, jer novac nije raspoređen uskoro će biti ako bog da, nisu na toj razini pripremljenosti i našli smo da tu eventualno možemo kontribuirati unutar našeg Ministarstva ovoj budžetskoj stavci koja kao što znate se nedavno pojavila sticajem okolnosti i odlukama Federalne Vlade. Kolega Aljović je upitao za umanjeenje od 150.000 KM ZOI u suštini se nije desilo kolega nikakvo, hvala što ste primijetili, nije umanjeenje. Prebacili smo 100.000 u projekte. Malo u razgovoru sa dotadašnjim rukovodstvom ZOI iskazano je uvjerenje da nije dovoljno to sredstava pa smo prebacili 100.000 na projekte a dodatnih 50.000 zajedno sa Skenderijom, odnosno 100.000 KM za sajmove ćemo povećati stavku time je ZOI dobio novih 50.000. u principu smo prebacili sa jedne manje relativno neupotrebljive budžetske stavke na ona koja će biti upotrebljiva. Hvala lijepo.

Ministar Srđan Mandić.

Hvala pozdrav kolegicama i kolegama. Kolega Vreto je pitao, ja ću tiše malo reći, vezano za prečistač Butile i umanjeenje stavke budžetne. Dakle priča o prečistaču Butile je još jedna od katastrofalnih priča koje smo zatekli a ko ja pokazuju također odsustvo bilo kakve strategije i vizije menadžmenta VIK prethodnog i generalno prethodnih Vlada. Dakle vi dole imate pogon u koji je uloženo oko 50 miliona KM za prečišćavanje otpadnih voda i ni jednog feninga niko nije planirao da uloži u zbrinjavanje otpadnog mulja ko ji se dole stvara nakon što se proizvede tehnička voda odnosno prečisti kanalizacija. Ja moram reći u januaru kada smo pravili rebalans Budžeta ja sam iskren da budem u jednoj panici nakon saznanja kakve sve opasnosti mogu vrebati od toga problema, tražio da se hitno unesu neke stavke i bilo je planirano na dvije pozicije po 500.000. Međutim u prethodnih pet šest mjeseci možda je to jedan problem s kojim sam se najviše suočavao i o njemu razgovarao kao što je ministar finansija rekao u uvodu projekti koji nisu realni da se izvedu u ovoj godini, mi smo ih sada napustili a ovo što smo mi zatekli projekte koje smo naknadno dobili nakon rebalansa. IPISA je uradila jednu studiju od devet scenarija od kojih za VIK preduzeće ni jedan nije prihvatljiv. Samo ilustracije, jedan od tih scenarija predviđa da se mulj vozi iz Sarajeva u cementaru Lukavac da se tamo spaljuje. To da mi plaćamo. U situaciji kada vam je to jedan od vrlo unosnih biznisa, Mađarska je npr jedna od najvećih zemalja u Europi uvoznica mulja koji 70 tona je čini mi se cijena koju platite po toni 70 eura po toni da vam odvezu mulj u Mađarsku. I to morate čekati jer je tolika navala. Dakle ono što je bitno, da skratim odgovor. U međuvremenu je urađena jedna analiza što je meni onako dalo prosta da malo u realaksiranijoj atmosferi pridem ovom problemu, na svu sreću taj mulj nije opasan po zdravlje osim neugodnog mirisa nema prisustva teških metala i ostalih po zdravlje štetnih elemenata tako da ćemo mi ova sredstva ko ja smo ostavili u Budžetu do kraja godine utrošiti na jednu, ovako da kažem da se neka sanacija izvrši a u idućoj godini da krenemo sa zaista jednim ozbiljnim

projektom. Mulj se može koristiti i za proizvodnju bio gasa i za proizvodnju električne energije i za kompostiranje. Da od toga napravimo priču. Na kraju krajeva to je i glavni investitor Svjetska banka i predstavnici Međunarodnih institucija ko jiu su nam zamjerili da taj projekat nije doveden do kraja, očekuju od nas. Tako da to je razlog u ovoj godini ne možemo sanirati, ali možemo napraviti jednu kvalitetnu pripremu da u idućoj godini se pozabavimo ovim problemom. Što se tiče korita rijeke Miljacke također u trenutku kada je pravljen budžet nisam raspolagao informacijom da je briga o koritu rijeke Miljacke u nadležnosti Grada Sarajeva i ta sredstva koja smo planirali 150.000 KM ne bi bila dostatna zato smo mislili, ne bježimo da se uključimo u onoj mjeri u kojoj to bude Grad tražio od nas ili da na bilo koji način pomognemo. To jeste problem ali korito rijeke Miljacke je u nadležnosti Grada Sarajeva. Još je kolega Marić imao pitanje i kolegica vezano za subvencioniranje. Sada da li je to pitanje za mene. Što se tiče subvencioniranja potrošača koji ne koriste prirodni gas to nije u mojoj nadležnosti pa možda da premijer eventualno odgovori osim što je ono što je naš zajednički cilj da svim ovim mjerama koje preduzimamo smanjimo broj potrošača i dovedemo ga na najniži mogući nivo potrošača koji koriste drvo, ugalj i ove ostale. Dakle nisu ove mjere ne bih ih ja nazvao, one djeluju možda na prvu subvencioniranje kao neki socijalni program. Ja sam dugo na prošloj sjednici elaborirao mjere koje smo preduzeli, preduzimamo a koje smo planirali a koje se tiču trajnijeg rješavanja kako se ne bii više u perspektivi dovodili u situaciju da radimo subvencije. Ono što je dobra vijest jeste da cijene i dalje padaju i da bi smo ako bog da možda mogli doći u januaru da se vratimo na cijene, da one na svjetskom tržištu se vrate na ovaj nivo prije poskupljenja. Tako da to je ono što bih ja mogao. Ako premijer ima šta još da doda na tu temu, evo nek izvoli.

Ministar Adnan Šteta:

Dobar dan svima ne bih trebao nije puno pitanja bilo. Još jednom pozdrav svima pozdrav svim građanima Kantona. Imao sam četiri pitanja koja sam ja pribilježio. Prvo od kolege Mirze Čelika dokle se stiglo sa elektronskom naplatom karata tj izgradnjom tramvajskih stajališta. Radi se o projektu koji je potpisan i dogovoren nekada u zadnjem kvartalu 2018 godine u mandatu prethodne Vlade. Moram iskreno reći da osnovna stvar koja je jako bitna za taj projekat saobraćajni centar nije bila definisana do kraja tako da određene aktivnosti nisu mogle krenuti do ovoga momenta. U završnoj smo fazi definisanja procedura oko izgradnje saobraćajnog centra za javni prevoz koji će biti na Čengi Vili kod okretaljke u prostorijama Grasa. To je preduslov da se oprema može naručiti. A u međuvremenu završen je projekat za optiku koja će se krenut polagati za definiranje i izgradnju prvih stajališta. Tako da je moje očekivanje da ćemo do 08.07 najkasnije uvesti izvođača radova u posao. A moja želja i cilj i zadatak kojeg smo stavili pred sebe da do 01. 12 imamo elektronski sistem naplate u vozila javnoga prevoza. Nedovezat ću se ovim odgovorom i na pitanje kolegice Bilsene Šahman vezano za zvučnu signalizaciju tj signalizaciju u javnom prevozu i na stajalištima. Da ovim projektom je predviđena signalizacija kako u vozilima tkao i na stajalištima koja će obavještavati putnike o dolasku vozila, kada dolaze, redoslijedu vožnje tako da u sklopu toga projekta će biti i to primjenjeno. Kolega Zvonko Marić je pitao vezano za popravku šina. Na žalost jutros smo imali jedan nesretan slučaj na Dolac Malti, ja sam u međuvremenu sa skupštine sat vremena izašao i otišao na lice mjesta da vidim o čemu se radi. Danas smo dobro prošli ali se apsolutno slažem da nam je pruga u katastrofalnom stanju. Ono što ja imam informacije nekada krajem 70 godina, početkom '80 i neka ozbiljnija rekonstrukcija. To je bilo prije 40 i više godina. U ovom budžetu postoje sredstva za rekonstrukciju kompletne pruge od Marin dvora do Ilidže. Radi se o 26 km pruge. U narednih deset dana ćemo imati glavni projekat gotov za rekonstrukciju pruge. Sredstva idu preko EBRD kredita. Iza toga interna i eksterna revizija će imati isto tako malo posla oko toga. Međutim moja su očekivanja da ćemo mi imati javni poziv tj raspis tendera za rekonstrukciju pruge Marin dvor Ilidža do kraja augusta., očekujemo odabir izvođača ako i sve bude po PS što se kaže do kraja godine a

n a proljeće radove i rekonstrukciju kompletne pruge. Do tada, u prethodnih dva mjeseca je bio raspisan javni poziv za rekonstrukciju dijela pruge od S krivine, tj od hotela Holiday do Marijin dvora to je ovaj dio ko ji prolazi pored državnih institucija koji je u katastrofalnom stanju. Taj javni poziv je završio prošle sedmice. I u narednih mjesec dana se kreće u rekonstrukciju toga dijela pruge. Kolega Damir Nikšić je pitao za zeleni val. Mi u budžetu za 2019 godinu imamo projekat koji se zove adaptivno upravljanje semaforima. On je planiran da se radi u etapama. U ovoj godini jedan dio a veći dio u narednoj godini. Radni tim za adaptivno upravljanje radi intenzivno na projektu. Moja očekivanja je da ćemo na ljeto ima raspisan javni poziv do kraja sedmog mjeseca, tj tender za adaptivno upravljanje što znači da bi mi u zadnjem kvartalu mogli krenuti dijelom u taj projekat a veći dio tog projekta bi se radi u 2020 godini. O čemu se radi u par rečenica a mogu ja kolegi Damiru dostaviti kompletnu informaciju u materijalima. Radi se o saobraćajnom centru, maloprije sam spominjao javnog prevoza. Ovo bi bio saobraćajni centar kontrole svih saobraćajnica gdje bi kamerama senzorima bili uvezani svi semafor. Postojali bi ljudi koji bi upravljali protokom saobraćaja. Mi danas imamo semaforu signalizaciju u 7 ujutro i u 3 po po noći gdje nam semafori isto traju što nije logično a da ne govorimo o određenim problemima koji se dešavaju u špicama gdje je veliki zastoj u saobraćaju samim tim dolazi i do zagađenja. Međutim jedna bitna stvar ko ju ću spomenuti jeste da ćemo mi u ovoj godini kroz sredstva koja imamo kroz direkciju za puteve a koja nećemo trošiti na projektima odraditi već produženje isključnih lijevih i desnih traka tamo gdje imam mogućnost kako bi ubrzali protok saobraćaja jer već danas imamo zagušenje na određenim semaforima jer su nam kratke lijeve i desne trake, ne može stati puno auta pa se ova krajnja lijeva da kažemo protočna puni što značajno otežava saobraćaj. Tkao da ćemo ove godine dijelom građevinski raditi već sada preko ljeta. U zadnjem kvartalu krećemo raditi dio raskrsnica po pitanju adaptivnog upravljanja a iduće godine radimo u kompletu. I jedna napomena samo još predsjedavajući. Nije bilo pitanje ali volio bih spomenuti. U ovom Budžetu niko nije pitao ni spominjao ništa po pitanju sigurnosti saobraćaja. To je dio saobraćaja koji nije bio tretiran ni u prošlogodišnjem ni u prethodno godišnjem budžetu. Mi smo ove godine uspjeli izdvojiti određena sredstva u Ministarstvu saobraćaja tj 500.000 KM kako bi radili na novoj horizontalnoj, vertikalnoj i zvučnoj signalizaciji oko dječjih ustanova, obdaništa i škola. A s druge strane preraspodjela sredstva od 800.000 KM ćemo Direkciji za puteve raditi na zaštitnim ogradama i bankinama kojih u Kantonu Sarajevo skoro da nemamo nikako. Hvala.

Ministar Malik Garibija:

Zahvaljujem predsjedavajući. Zapisao sam dva pitanja. Jedno je bilo od profesorice Duraković u ovom budžetu na žalost nije planirano povećanje sredstava za dječji dodatak. Postoje dva osnovna razloga za to. Prvi je taj što je odnosno planira se donijeti federalni Zakon koji treba da ujednači ova davanja na nivou cijele Federacije. Drugi razlog možda i puno značajniji za nas u ovom momentu je to što smo prednost povećanju dali povećanju cenzusa, odnosno obuhvata ljudi koj i ostvaruju pravo na dobivanje dječjeg dodatka. Mi se iz godine u godinu nalazimo u situaciji u kojoj rapidno opada broj ljudi koji ostvaruju pravo na različite socijalne naknade. Između ostalog i na dječji dodatak a to na žalost ne prati na porast naših socijalnih prilika. Radi se jednostavno o tome da su naša pravila zastarjela odnosno cenzus je stajao blokiran 11 godina. I vi se sjećate kada smo nedavno digli taj cenzus, čime smo uradili dvije stvari, digli smo sva socijalna davanja ali i ono što je također jako važno, digli smo taj cenzus koliko j novca potrebno da neko ostvari pravo na određeno socijalno davanje. Tako je npr jedna četveročlana obilje prije podizanja cenzusa trebala imati primanja manja od 480 KM da ostvari pravo na dječji dodatak. Sada je to već 500 KM. Ono što mi želimo je u narednom periodu pratimo sada kako se dešava povećanje tih zahtjeva i želimo u narednom periodu opet doći do situacije da podignemo taj cenzus također kroz izmjene Zakona o socijalnoj zaštiti želimo da uklonimo kako bi ujednačili prakse u svim opštinama

želimo da uklonimo TO i prevoz iz ovih naknada kako bi dakle proširili obuhvat ljudi koji ostvaruju trenutno pravo i to je onaj neki smjer koji smo sebi dali za ovu godinu. To je što se tiče pitanja za dječji dodatak. Kolega Mirza Čelik je imao pitanje za Otes vrlo važno. Mi smo u Ministarstvu jedno od najvećih problema koje smo zatekli u Ministarstvu bilo je ovo pitanje Otesa, zakupa zgrada na Otesu. Mi trenutno na godišnjem nivou dajemo približno milion KM za zakup dvije zgrade u kojima imamo 164 stana. Da vam malo približim kako je to strašan podatak. Plaćamo 500 KM mjesečno jedan socijalni stan na Otesu. Dakle ovaj Otes je jedina prilikom revizije finansijske mišljenje s rezervom jedino dato za Otes. To je bilo ono što je bilo najveći problem. Za zastupnike ko ji nisu u toku sa čitavim slučajem, otprilike oko 2000-te godine sklopljen je u ugovor u kojem je definisana cijena zakupa, međutim ono što je vrlo sporno u tom ugovoru bilo je da se cijan usklađuje s potrošačkom korpom Austrije čime je cijena do sada za 1/3 narasla. Dakle od originalne cijene prvobitne do danas cijena je za 1/3 narasla. Ugovor treba da važi još narednih 13 godina i u najoptimističnijoj varijanti mi ćemo dati nekih još 15 miliona KM a nakon što završi kompletan zakup mi samo izlazimo iz tih zgrada. Dakle ne otkupljujemo ništa, samo izlazimo. Zbog težine ovog slučaja, to je bio jedan od najvećih zadataka ko je smo sebi dali, otvorili smo odmah razgovore, zapravo i ranije su bili započeti određeni razgovori, ako sam dobro informisan, skoro svaki ministar koji je došao započinjao je te razgovore i otvarao sa firmom GPA Bosna. Inače GPA Bosna je inače ispostava firme GPA Austrija. Dakle to je matična firma. Mi smo odmah otvorili razgovore sa GPA Bosna naišli smo na saradnju i ja sam upravo nedavno bio i na sastanku sa predstavnicima odnosno generalnim direktorima firme GPA Austrija, dakle matične firme gdje smo uspjeli dogovoriti nacrt dogovora i oni su nam dali, sada je do nas da uradimo još jednom analizu da li je taj sporazum povoljan po Kanton Sarajevo. Ono što smo uspjeli dogovoriti tražili smo od njih model koji bi možda najsličniji bio lizingu. Da se prvo ne izlazi iz ove cifre koju trenutno dajemo za zakup. Druga stvar da ne moram platiti sve odmah, da se ne zaslužujemo kreditno, da im ne isplatimo odmah zgradu nego da u ratama kako i trenutno plaćamo zakup, da im na taj način otplaćujemo zgradu. Da nam odmah omoguće da raspoložemo bez ikakvih problema samom zgradom i da smanjimo ovaj uticaj eventualnog povećanja koji trenutno imamo. Oni su pristali na naše prijedloge i čak smo dogovorili da naredne uplate koje budu išle za kiriju u toku ove godine budu uračunate u tu cijenu i da nam je odbiju. Samim ovim ako uspijemo dovesti ugovor do kraja i sporazum do kraja mislim da ćemo štedjeti oko 15 miliona KM za Kanton Sarajevo. Što nam je izuzetno važno. Mi smo ostavili obje ove stavke otvorene i čim uspijemo dogovoriti sa njima i sklopiti sporazum mi ćemo sa stavke zakupa prebaciti na stavku otplata. Imat ćemo nulti budžetski efekt i uštedjet ćemo ogroman novac. Eto.

Ministar Admir Katica:

Hvala lijepa predsjedavajući. Lijepo pozdrav vama, lijepo pozdrav svim zastupnicima u Skupštini Kantona Sarajevo i građanima Kantona Sarajevo. Pitanje vezano za izgradnju zgrade MUP-a Kantona Sarajevo ja vas želim informisati da je izgradnja te zgrade MUP-a Kantona Sarajevo nove zgrade jedan od najvažnijih kapitalnih projekata ove Vlade Kantona Sarajevo. I jedan od najvažnijih stvarima kojima ću se ja kao resorni ministar baviti. To što je u rebalansiranom prijedlogu budžeta smanjen iznos sredstava predviđenih za ovu svrhu je posljedica ustvari realnog finansijskog planiranja troškova koji bi mogli nastupiti tokom ove godine. Međutim vrlo brzo ćemo i javnost informisati o napretku po tom pitanju, lokaciji i kako će izgledati buduća zgrada MUP-a Kantona Sarajevo, tako da u suštinskom smislu riječi to ostaje nešto što je vrlo važni za nas kao Vladu Kantona Sarajevo. Hvala.

Ministar Damir Filipović.

Hvala predsjedavajući. Pozdrav vama, svim uvažanim zastupnicima kao i građanima Kantona Sarajevo. Ja koliko shvatam imao sam tri pitanja upućena od kolege Nikšića. Prvo se odnosi na zelene fasade u projektu energetske efikasnosti javnih objekata. Moram navesti prije svega da ove godine pokazali smo agresivniji pristup po pitanju energetske efikasnosti u odnosu na prethodne periode gdje je rađeno sedam objekata godišnje mi ove godine radimo 48 objekata, i za tu namjenu je izdvojeno cca nekih 11 miliona. Ovo govorimo poređenja radi jer sam imao prijedlog projekata zelenog krova na jednoj JU srednjoj školi, koji košta 700.000. Međutim nismo imali adekvatnu studiju pretpostavku obzirom da imao različite klimatološke, meteorološke i druge geografske pretpostavke koje treba da ispunimo za te zelene fasade. Zbog sistema navodnjavanja. Imali smo projekat u koji se ušlo tako neplanirano u općini Centar pa je ta jedna jedina zelena fasada nastradala u toku godine. Svakako da trebamo razmotriti ovakvu ideju i ona je svakako prihvatljiva da se o njoj razgovara. Obzirom da je hajde da kažemo predložena je konoplja kao nešto što bi se ugradilo u takve fasade mislim da moramo promijeniti zakonski okvir kako bi uopšte mogli da razmatramo nešto takvo. Što se tiče oplemenjivanja zelenih parkovskih površina elaborat ima KJKP Park i ono treba da da prijedlog. Sa prethodnim v.d. direktorom smo razgovarali kao Ministarstvo koje nije direktno nadležno nad radom Parka, ali s aspekta zaštite životne sredine i okoliša i poboljšanja kvaliteta zraka svakako da imamo namjeru da određena sredstva izdvojimo sporazumno u ovu namjenu odnosno oplemenjivanje parkovskih površina. Hvala.

Predsjedavajući:

Zahvaljujem. Premijer Edin Forto. A vi ćete.

Ministar Amel Kovačević:

Pošto koristim njegovu karticu, moja je kartica na drugom mjestu. Uvažena zastupnica Vildana Bešlija PDV 11% porasta da li je to realno. Mi dobivamo projekcije od institucija koje imaju značajno veće resurse kada je u pitanju mogućnost kvalitetne makro analize i sa državnog i sa federalnog nivoa i to je neki zvaničan stav koji mi uzimamo kao zadatu veličinu. Naravno da postoje različiti endogeni i egzogeni faktori koji mogu uticati na to da li će se u periodu do kraja godine prikupljati dovoljni iznos PDV-a. To zavisi od ekonomske aktivnosti u društvu, demografskih tokova, od turističke sezone, od geopolitičke situacije u državi. Dakle jedna vrlo nezahvalna procjena za Kanton Sarajevo koji nema kvalitetne resurse i poluge i instrumente pomoću kojih bi kvalitetno projicirao prihode kada su u pitanju porezi. Oslanjamo se na analize i da tako kažem nalaze koje dobijemo sa viših nivoa vlasti. Naravno treba uvijek uzimati u obzir činjenicu da postoje generalni i svjetski trendovi koji mogu se javno naći na relevantnih medijskih kuća. I od relevantnih eksperata koji govore potencijalnoj svjetskoj krizi 2020 godine i u tom svjetlu mi jesmo radili ovaj Budžet i pokušavali da maksimalno izbjegnemo mogućnost da podižemo troškove tamo gdje će oni prouzrokovati da tako kažem našu nesposobnost da 2020.godine budemo spremni da odgovorimo na zahtjev eventualnih ekonomskih šokova koji mogu doći. Kada su u pitanju parafiskalni nameti. U Kantonu Sarajevo mi imamo 287 različitih parafiskalnih nameta koji su na različitim nivoima vlasti uspostavljeni, to je jedan neefikasan način prikupljanja prihoda za državu. Poprilično opterećuje i trošak ih je prikupljati da tako kažem. I imamo tendenciju da u saradnji sa poslodavcima, udruženjem poslodavaca kroz jedan koordinacioni tim analiziramo različite vrste parafiskalnih nameta koji su u Kantonu Sarajevo živi i pokušavajući da u suštini od Kantonu Sarajevo napravimo jednu oazu za što je moguće kvalitetnije uslove za poslovanje kako bi smo privukli što veći broj firmi kako bi opet stvarali nova radna mjesta. Vlada Kantona Sarajevo interesorno razmatra mogućnosti da do kraja ove gospodine budžetu za 2020 godinu određene parafiskalne prihode koji su se prikupljali putem tih parafiskalnih nameta apsorbira kroz budžet za 2020 godinu i tako oslobodi poslovnu zajednicu u Kantonu Sarajevo određenih nelogičnih parafiskalnih nameta poput naknade za šume ili turističku

zajednicu firmama koje se bave skroz nekim drugim poslovima. To je za uvaženu zastupnicu Vildanu. Sljedeće pitanje je uvažena zastupnica Samra Ćosović – Hajdarević pitanje realizacije budžeta. Do ovog trenutka mi svakog mjeseca na web stranici Ministarstva finansija objavljujemo rezultate realizacije budžeta po svim resornim ministarstvima. Mi smo zadnju objavili za mjesec april. Naše procjene da smo sada u nekoj fazi od 35 do 40% realizacije budžeta za 2019 godinu. Kapitalne investicije pretpostavljamo da su negdje oko 10% realizacije. Iz tog razloga smo željeli da hitnim postupkom rješavamo i ubrzavamo procese kada su u pitanju kapitalne investicije. Kada je pitanje subvencije uvaženi zastupnik Zvonko Marić. Subvencija gasa da ili ne i kako dalje. Mi smo ovdje u poziciji da je Skupština Kantona Sarajevo na prošloj sjednici posebnom zasjedanju donijela odluke kako da do kraja godine u suštini izađe u susret i na jedan način pomogne i subvencionira građane Kantona Sarajevo. Naravno način na koji smo mi to uradili je jedini mogući način u ovom trenutku iz razloga što mi nemamo kvalitetnu socijalnu kartu i u suštini da nismo bili dohodovno osjetljivi za se kategorije. Istovremeno se finansira i ministar finansija Amel Kovačević kao i neko ko ima težu finansijsku situaciju i to po mom sudu nije najadekvatniji način kako da se subvencionira bilo kakva vrsta bitnih komunalnih usluga. Naravno da ćemo mi pokušati da do kraja godine iznađemo načine kako da za 2020 godinu postavimo se prema ovom problemu. U ovom trenutku je to preuranjeno govoriti. Nadamo se da ćemo naći adekvatna rješenja koja će zadovoljiti potrebe socijalno osjetljivih kategorija a istovremeno omogućiti da pratimo standarde vezano za smanjenje zagađenja u Kantonu Sarajevo. Imali smo još pitanja koliki je uvaženi zastupnik i predsjedavajući Dino Konaković kolika su kapitalna izdvajanja u rebalansu. Dakle mi smo sa 160 miliona KM kako je bilo projicirano u budžetu Kantona Sarajevo narasli na 226 miliona KM što je povećanje od 41%. ako ima nekih pitanja još koja ja nisam zabilježio.

Predsjedavajući:

Jel ima neko od kolege zastupnika da nije dobio odgovor? Kolegica Amra Hasagić nije, Dević nije. Aha ima još premijer pa onda.

Premijer Edin Forto:

Ja ću na nekoliko pitanja na koje do sada nije odgovoreno. Ima dosta ovih iz obrazovanja posebno se tiču pitanja zašto nije urađen neki projekat neke škole. Ja ću vam reći da je ova Vlada pokrenula projekte energijske efikasnosti na 48 projekata. Od čega su 30 škole, zgrade iz oblasti obrazovanja. 30 objekata u ovoj godini. Se prethodne Vlade u prethodnim mandatima su godišnje radili 7 objekat. Tako da tu vam je ujedno i odgovor na pitanje. Možda nisu došli na reda ali očigledno je opredjeljenje da se u obrazovanju značajno ulaže posebno u uslovima obrazovanja. Pitanje je bilo licenci. Kakve su to licence. Mi smo ustvari u Zavodu za informatiku i statistiku otkrili jednu što sam ja koristio vrlo često kao riječ kada smo imenovani kada smo detektovali stanje radili smo onaj prvi budžet, koristio sam riječ zapuštenost. Zavod za informatiku i statistiku je jedna vrlo zapuštena institucija gdje nismo imali ništa od softvera. Radili smo sa nekim besplatnim softverima koje koriste možda neke radne grupe kada se udruži možda 15 ljudi pa spusti taj softver besplatni „open source” koji ozbiljna organizacija sebi ne može dozvoliti. Ne samo u smislu kako funkcioniše taj softver, jer naša administracija je velika. Mi sada imamo 14 000 državnih službenika, sve je uvezano u jedan sistem i taj sistem vodi Zavod za informatiku i statistiku i oni su radili na nekim softverima koji su potpuno zastarjeli i neadekvatni. Mi sada smo radimo skeniranje stanja, posebno sa stanovništva sigurnosti našeg informacionog sistema i zbog toga prvi korak je da uvedemo licencirane softvere. Da uvedemo „firewalls” kako se zovu zaštite, i da onda idemo dalje sa nadogradnjom našeg informacijskog sistema i generalno digitalizacije naših procesa. Znači ovo je samo jedan prvi korak. A bit će još puno novca u budućem periodu izdvojeno u ovu svrhu. Ovo je samo ono početno što je novi direktor Zavoda za informatiku i statistiku

odmah prepoznao. Pronatalitetne politike. Mi smo baš imali prošli put onu raspravu bilo je nekoliko zastupnica kojima smo govorili kako mi ustvari namjeravamo raditi na pronatalitetnim politikama. Ono što smo mi i što sam ja ovdje u ekspozeu rekao u neku ruku bila je vrlo jaka predizborna kampanja. Vi ste također posebno iz Kluba SDA tražili da se adresira problem predškolskog obrazovanja i da se ukoliko nemamo dovoljno kapaciteta u našim vrtićima JU Djeca Sarajeva da se ide eventualno i sa programom subvencionisanja privatnih kako ne bi imali liste čekanja. A evo upravo je završen upisni rok, opet imamo liste čekanja koje su značajne. Preko 600 djece čeka. Mi smo išli u dva pravca, jedan pravac e na primjer dodatnih milion KM za školu na Šipu koji gradi opština Centar. Ta škola je OŠ ali ne samo to ona ima i vrtić u sebi. Mi smo pored 500 000 koje su već bila alocirana za taj projekat dodali još milion da bi opština Centar mogla ubrzati tu gradnju. Također vrtić na Koševu mislim Razigrani dani da se zove gdje smo uveli 800.000 KM za taj vrtić. Bulbuli 500.000 KM. To je opredjeljenje da se gradi naša infrastruktura koja će biti kantonalna mreža vrtića. Međutim uveli smo i stavku 2 miliona za subvencioniranje vrtića što odgovara na jedan od amandmana SDA kada smo radili budžet, ali odgovara i predizbornim obećanjima i samom ekspozeu koji smo ovdje iznijeli. Drago mi je da se bar oko nekih stvari slažemo. Pitanje nadoknada za porodilje posebno majke sa tri i više djece nemamo spreman taj program. Mi se iskreno nadam da će federalna vlast koju bi to trebalo biti u nadležnosti, posebno naknade porodilja da će se napokon ukinuti diskriminacija nad porodiljama, bez obzira da li se radi o onima koji rade ili ne rade, u kojoj su socijalnoj potrebi da imamo ujednačeno plaćanje naknada za porodilje na području cijele FBiH jer je sada to cirkus na višem nivou vlasti. Ono što će Kanton Sarajevo uraditi u budućnosti raditi na ovome. U ovom trenutku nismo spremili taj program. Osnovna škola Budišići to je u Vogošći jel to škola Vogošća? Nije došla na red. To e isti odgovor. Mi imamo ovu OŠ ko ja je u Semizovcu koju smo dogovorili sa načelnikom opštine Vogošća on će dati 100.000 a mi ćemo dati preko 400.000 KM da se ta škola sredi. Zastupnik Marjanović je isto pitao vezano za strategiju a mlade ovo sve što sam nabrojao do sada znači značajniji iskorak u izgradnji infrastrukture za vrtiće, program za subvencije za predškolsko, i još neke druge stvari koje radimo jednostavno to neće biti problem da se ta strategija značajnije adresira ali u ovom trenutno to još nismo pripremili. Subvencije plina. To je veliko pitanje. Šta je ustvari subvencija plina nekoliko ljudi je ovo pitalo. Da li je ona subvencija kao nekoj socijalnoj kategoriji, eto da ljudima ne bude skupo ili je to nešto drugo. Vjerujte najveći broj projekata također bilo pitane koje smo projekte pokrenuli. Ja ću vam reći neke od najvažnijih stvari koje smo pokrenuli su iz oblasti zaštite okoliša. Upravo ove projekte koje radimo kod ministra Filipovića za energijsku efikasnost masovno utopljene zgrade. Mi sada radimo javne zgrade 48 zgrada ali također smo pokrenuli projekte koje ćemo raditi preko SERDE i preko nekih međunarodnih finansijskih institucija. To će biti projekti za privatno stanovanje. Imali smo veliki javni poziv preko SERDE gdje se mislim preko 300 zgrada ljudi koji su sjeli i dogovorili se sa upravnicima svojih zgrada da hoće da utole svoje zgrade. Mi ćemo njima subvencionirati 40% troška. Dakle također i više stotina individualnih vlasnika individualnih objekata. Zamislite ako imate kuću koju ćete da utoplate. Košta 10.000 fasada izolacija itd. Mi ćemo vam dati 4500. znači to su programi koji podstiču ljude da troše manje energije bilo da se radi o prljavim energentima ili čistim energentima kao što je plin. Kao Vlada koja je potpuno opredjeljenja za takvu stvar naša subvencija za plin nije socijalna mjera to je mjera u kojoj želimo da spriječimo da ljudi koji traže jeftinije alternative prežu sa plina na prljava goriva što se dešavalo u periodima od 2010 do 2014 kada su ljudi nekoliko hiljada samo onih koji su registrovani koji su napustili plin i uveli peći i počeli da sagorijevaju sirovo drvo i ugalj koji su najveći zagađivači zraka. Upravo zbog toga kako bi plin napravili prihvatljivijom opcijom za naše građane zato je urađena subvencija a ne da li neko može ili ne može da plati. Neki ljudi mogu platiti pa će opet uzeti jeftiniju varijantu zato što je jeftinije. Mi želimo da načinimo plin kao jedan čisti energent jeftinijim za sve građane. A pored toga istovremeno radimo masovne programe utopljanje i

javnih zgrada i privatnih zgrada i privatnih kuća kako bi naši stanovnici vremenom trošili manje energije bez obzira koju energiju uzimali. I onda dugoročno mi ćemo jednog dana udisati čist zrak. Ovo je jedan vrlo bolan i vrlo skup proces. Zbog toga subvencija za plin. Fiskulturna sala u Šabićima to je isto kao ono što sam nabrojao. Ja sam čitao neke amandmane na primjer gospodin Čelik ima 30-tak amandmana mislim da sam u brzom pregledu bar najmanje tri amandmana sam našo koja smo mi pokrenuli a vi možda niste bili toga svjesni u trenutku kada ste predali. 4. OŠ na Ilidži, 5. OŠ na Ilidži, mislim 6. gimnazija. Imamo već njih u projektima, raspisani su tenderi i obnove te kreću. Masovno radimo u oblasti obrazovanja. 30 objekata ove godine ako neka nije sada došla na red budite uvjereni da će vrlo brzo doći na red. Što se tiče inicijativa pitanja predsjedavajućeg za prijevoz minibus za instituciju u Pazariću koja je federalna institucija, i za povećanje izdvajanja za dječja igrališta u dogovoru sa opštinama to možemo razmotriti kada se povučemo da razmotrimo amandmane možemo ovo razmotriti eventualno kao neki amandman. Da li ima još nešto što nije odgovoreno.

Predsjedavajući:

Pazarić i igrališta. Kolegice Hodžić izvolite.

Poslanik/zastupnik Admela Hodžić.

Zahvaljujem. Bojim se da se nismo najbolje razumjeli. Pričate o području gdje ima plinovod i gdje građani mogu koristiti plinovod sa subvencijom. Ja pričam o Hadžićima gdje toga nema i nema te mogućnosti, a žele istu subvenciju kao ovi što koriste plin. Eto o tome se radi.

Premijer Edin Forto.,

Dobro smo se razumjeli samo nisam naveo taj primjer. U Hadžićima postoji plin samo ne postoji svuda. Ova Vlada također masovno subvencionira priključke na plin. To je ono u širem kontekstu kada sam govorio da moram ljudima napraviti da bude plin privlačniji. Možda to mnogima ne izgleda tako. Nema nikakve ovisnosti. Plin je dobar energent. Što ga više trošimo kao Kanton bit će nam jeftiniji u budućnosti. A konkretno za svaku kuću što nam je manje potrebno energije manje ćemo koristiti za svaku individualnu kuću i za kućni budžet. Postoje također projekti kod ministra Garibije koji subvencioniraju račune za one koji su u najvećoj socijalnoj potrebi. Znači postoje programi subvencioniranja ne samo računa plin, mimo ovoga što smo mi sada donijeli za ovo poskupljenje mimo toga ide mjesečno u grejnoj sezoni. Negdje oko 500 ili 600KM na nivou cijele godine, ide iza drva i za struju ako se griju na struju. Postoje ovi programi subvencije za one koji još ne mogu preći na ovaj skuplji energent.

Poslanik/zastupnik Mahir Dević:

Ukupno planirano inostrano i domaće zaduženje u milionima?

Premijer Edin Forto:

Inostrano 365, domaće 44. domaće je čak palo za 1 milion jer imamo onih 13 koji su. Sa 297 na 365, evo da oduzmem ova dva broja, pošto sam za govornicom ja ću odmah digitron izvaditi ovdje. 68. domaće palo za milion. Hvala.

Predsjedavajući:

Zahvaljujemo premijeru. Prije nego što otvorimo raspravu imamo odobrena obraćanja na Kolegiju sindikat osnovnog obrazovanja vidim gospodina. Praksa je 7,5 minuta dine Sivo. To vam je vrijeme u kojem možete govoriti pred skupštinom izvolite.

Ako vi kraće to je još bolje.

Predsjednik Sindikata Saudin Sivo:

Dobar dan i selamim sve. Zahvaljujem se predsjedavajućem, dopredsjedavajućim, zastupnicima premijeru i ministrima na prilici da se obratim u ime prosvjetnih radnika u Kantonu Sarajevo. A ujedno ću kazati i nekoliko riječi u ime svih sindikata s kojima Vlada ima obavezu da pregovara odnosno sa sindikatima policije, srednjeg obrazovanja i državnih službenika. Mi smo u proteklom periodu imali određenu vrstu socijalnog dijaloga sa Vladom Kantona Sarajevo, govorim u prošloj godini i određene nesporazume koje smo rješavali na ove ili na one načine. Koordinacija ova četiri sindikata su se obratili Vladi Kantona Sarajevo vama premijeru da razgovaramo o osnovici za ovu godinu. Mi smatramo da postoji zakonska osnova i obaveza i jedne i druge strane da razgovara o osnovici koja je utvrđena a to je 315 KM. Imajući u vidu da je došlo do porasta prihoda u budžetu mi smo smatrali da je opravdano da pregovaramo. Upućujemo javnu kritiku i tražimo da Vlada po tom pitanju u svakom slučaju nam kaže zbog čega nije htjela razgovarati i pregovarati. Mi nismo bili stava da po svaku cijenu moramo doći do nekog rezultata ko bi rezultirao povećanju osnovice, jer imajući u vidu da smo čitajući ovaj Rebalans budžeta shvatili da određen stvari ste uložili kada su u pitanju radnici, posebno kada je u pitanju obrazovanje. Jedna od stvari koja nas je obradovala je ulaganje u predškolske ustanove u osnovne škole. Ovo što smo imali priliku čuti danas. I mi smatramo da trebate nastaviti da trebate zapošljavati stručne ljude, odnosno stručne saradnike u vrtiće i osnovne škole zbog inkluzije i trebate otvarati nove vrtiće. Mi smo to i prošle godine javno govorili. Još uvijek smatramo da je to jedan od prioriteta. Možda je čak i bolje uložiti više miliona u infrastrukturu i stručni kadar, dodatni kadar koji je potreban nama koji radimo i djeci i učenicima nego ići na veću osnovicu. Ali evo kažemo da je potrebno da razgovaramo i pregovaramo po tom osnovu. Očekujemo da Vlada Kantona Sarajevo koja se obaveza na poštivanje kolektivnih ugovora i zakonskih propisa bude dosljedna do kraja po tom pitanju. I očekujemo da kada resorno Ministarstvo za obrazovanje naredi da radimo subotom, onda se radnicima ta subota treba platiti da li kao neradni dan ili kao dan vikenda. Mislimo da u svakom slučaju Vlada se mora uključiti u rješavanje svih nesporazuma na relaciji sindikati obrazovanja, govorim i u ime sindikata srednjeg obrazovanja jer su i oni nezadovoljni na relaciji između Ministarstva i sindikata. Jedno je što čitamo u medijima a sasvim je drugo ono što imamo u direktnim razgovorima i pregovorima. Za ovih šest mjeseci, javnost treba da zna da smo imali samo jedan sastanak na kojem smo dogovorili da ćemo dogovarati se i pregovarati kakvi će rezultati biti to ne zavisi od jedne strane niti od druge nego od obje strane. Mi u svakom slučaju podržavamo rebalans jer smatramo da u njemu ima dosta dobrih stvari. Očekujemo da do kraja godine dobijemo drugi rebalans i da se plate radnika povećaju.

Predsjedavajući:

Zahvaljujemo predsjedniku sindikata. Premijeru vi prije rasprave imate komentar na ovaj dio. Izvolite.

Premijer Edin Forto:

Samo kratko pošto je specifična tema. Slažem da ova Vlada će mi ćemo, nećemo se bojati da ulažemo u obrazovanje i vrlo brzo uspostavljamo socijalni dijalog. Gdin Sivro je pisao više puta da želi početi ponovo pregovarati iako je kolektivni ugovor tek negdje na pola. Ali evo slažem se idemo razgovarati i to ćemo raditi u narednom periodu. Idemo dalje ulagati u obrazovanje a za osnovicu i plate nisam siguran. To ćemo posebno vidjeti.

Predsjedavajući.

Zahvaljujem. Cijenjene kolegice i kolege počinje rasprava. Kolega Mahir Dević prvi se prijavio. Izvolite.

Poslanik/zastupnik Mahir Dević.

To je prva diskusija jel predsjedavajući? Evo radi principijelnosti ostao sam na neki način dužan da premijeru uvaženom dam na neki način neku vrstu odgovora za njegovu, hajde da kažem neumjesnu konstataciju na kraju, prethodne tačke. Mislim da je neprincipijelno fakturisati ovom novom klubu 20 godina loše vlasti u Kantonu Sarajevo, ako je to bila loša vlast čudi me da ste vi htjeli iza tako loše vlasti biti premijer, to je pod jedan. Pod dva, meni je ovo prvi mandat ovdje i pod tri u vašoj novoj parlamentarnoj većini i Vladi sjedi deset godina te loše vlasti najmanje. Ali evo da ne ulazimo u te političke rasprave. Imao sam potrebu da odgovorim pošto poslovnički me svaki put vrlo vješto onemogućite da vam to kažem i ne dozvoljavate na neki način da se suočimo argumentima. Sada prelazim na pitanje rebalansa budžeta Kantona Sarajevo. Ono što je posebno zaista zanimljivo i čini mi se da mi cijelo vrijeme pokušavamo zaista da budemo vrlo konzistentni i da stvari koje smo govorili ina neki način u kontinuitetu podržavamo uz određene izmjene a naravno da apsolutno ne bježimo da pohvalimo određen stvari i projekte i to nama zaista ne predstavlja problem. Pratimo naravno rad pomno svih ministara i u jednom momentu ćemo mi zaista kao najveći opozicioni klub u Skupštini Kantona Sarajevo osvrnuti se na rad premijera i određenih ministara. Tu zaista ima ljudi koji očigledno je da se trude ali ima i loših rezultata. Nikako mi sa zdravom logikom ne korespondira sljedeća situacija. Mi se nalazimo kao što rekoše moji prethodnici blizu sedmog mjeseca rada ove Vlade i po nama dostupnim informacija otprilike realizacija budžeta Kantona Sarajevo je negdje malo iznad 10%. a onda mi usvajamo rebalans budžeta Kantona Sarajevo na način da planiramo 68 miliona KM novih zaduženja za kapitalne projekte na neki način premijer to pravda budućnosti u narednim godinama. Ali zaista te dvije stvari jedna s drugom ne korespondiraju. Bojim se da mi ovakvom dinamikom ako nastavimo, mi ne samo da nećemo realizirati budžet koji je bio osnovni a kamo li rebalans već da će to biti drastično ispod crte prethodnih Vlada itd. Apsolutno podržavam da svaki projekat ko ji je dobar da se Vlada i ministri s njim pohvale i mi ćemo to pozdraviti. Nikakav to nije problem. Međutim ovo što slušamo na neki način u principu su sve projekti u pravilu prethodne Vlade. I ovi projekti utopljanja zgrada, i projekti subvencije vezano za plin. To su sve dobri projekti ko i su otpočeti u prethodnim godinama. Sada na neki način čini mi se da Vlada pokušava da ubrza dinamiku tih projekata. Što bi naravno bilo dobro i mi apsolutno pozdravljamo ukoliko možemo utopli 50 objekata dajte da tu stvar uradimo. Međutim ono što je činjenica jeste govor našeg uvaženog premijera na temu kada smo usvajali budžet. Naši amandmani i naša priča iz kluba SDA je konzistentna i odnosila se na iste stvari na koje se i sada odnosi. A čini mi se evo drago mi je da je premijer priznao čini mi se da je uvažena samo jedna. A to je da se subvencionira predškolski odgoj vezano za ovu djecu u vrtićima koja se nalaze na listi čekanja da se uvedu privatni vrtići. I evo ja zaista se zahvaljujem i Vladi i premijeru što su prepoznali to kao jednu zdravu ideju i želim im da to što prije implementiraju i mi pozdravljamo jednu takvu ideju koju smo i mi na neki način predložiti. Ali evo vi je pretočite u djelo mi nemamo apsolutno ništa protiv. Tada e premijer vrlo jasno obećao da je u razgovoru sa načelnicima primijetio da postoji jedan dobar projekat industrijskih zona na području Kantona Sarajevo. Da te neindustrijske zone potiču zapošljavanje a onda dođemo u situaciju da u rebalansu budžeta smanjujemo sredstva za te industrijske zone. Nekako nam ta priča zaista ne korespondira. Imamo spreman projekat, dobar projekat, koji se pokazao dobro po svim opštinama. A onda u rebalansu budžeta smanjujemo, doduše ne toliko sada znatno ali evo nekoliko stotina hiljada KM s te stavke smanjujemo. Mislim da zaista premijeru to nije trebalo uraditi pogotovo apro po toga što ste vi na neki način i pohvalili taj projekat i rekli da ćete ga podržati a ovo što ste predložili u rebalansu ipak nije adekvatna podrška industrijskim zonama odnosno novim zapošljavanju. Pozdravljam još jednom ovu stavku subvencioniranja privatnih vrtića i smanjenje liste čekanja. Želimo da to zaista realizirate i mi ćemo to u svakom slučaju pozdraviti. Također nešto smo pompezno bili najavili u budžetu Kantona da ćemo riješiti pitanje djece sa poteškoćama u razvoju pa smo stavili u budžet 1,8 miliona kao jednu stavku koja je zaista bila neodređena bez jasnih preciziranja na koji način i onda 6

mjeseci poslije dolazimo u situaciju da tu svaku smanjujemo sa 1,8 miliona na 1,2 miliona. I nije ni to problem ali ne vidimo ni dalje neko sistemsko rješenje. A obećali smo da ćemo ga pripremiti na neki način do rebalansa budžeta. Također jedna dobra stavka ko ja je bila uvedena u Budžet je povećanje podršci nauci sa nekih da ne kažem vrlo malih svota novca nekoliko stotina hiljada KM je otišla evo i na intervenciju kolege Marjanovića čini mi se na 2,8 miliona. Ali i dalje ne vidimo način realizacije tih sredstava. Imamo tu budžetsku stavku a ne vidimo na ko ji način se one implementiraju. Ne vidimo dinamiku te implementacije. Nije samo dovoljno staviti stavku određenu vrlo visoku u budžet već da vidimo zaista efekte te stavke. Ako mi nemamo efekte te stavke, naučno istraživačke radove, naučno tehnološka dostignuća koja treba da nam pomognu onda imamo problem. Ovo ću sada naravno povući jednu paralelu također onoga što je kazao uvaženi premijer prilikom usvajanja budžeta. Mi smo pričali tada posebno o zagađenju zgrada na području Kantona Sarajevo i sam premijer je spomenuo da postoji jedna mlada ekipa profesora koji ima jako puno mjernih stanica na mašinskom fakultetu koji malte ne imaju kvalitet ili čak i bolje podatke nego ova Američka ambasada i tada je bilo spomenuto ko da je problem neki aparat od nekih 50.000 KM koji mjeri karbon ili čađ koji će njima pomoći u daljem istraživanju. I onako je vrlo da kažemo prihvatljivo govorio o tome. Činilo se zaista da je to jedno tehničko pitanje da će to biti riješeno. Ja nisam vidio da je to pitanje riješeno. Također nisam vidio ni da smo mi neke nove posebne mjere uveli kada je u pitanju kvalitet zraka u Kantonu Sarajevo niti da smo došli znači evo i kroz ovaj rebalans barem i do odgovora ko su nam u ovom momentu najveći zagađivači i šta su naše mjere i politike i Vlade i nove skupštinske većine u Kantonu Sarajevo. Cijenim da je potrebno još vremena zaista u ovom segmentu on je jako kompleksan, jako skup ali ne vidim zaista na to jedno vrlo važno pitanje na kome smo kampanje i politike gradili ovdje u Skupštini Kantona Sarajevo. I na kraju rekao sam ono što me posebno brine jeste ta realizacija budžeta Kantona Sarajevo. Mi smo i tada na prijedlogu budžeta postavljali pitanja da se u budžet Kantona ne stavljaju projekti za koje ne postoji spremna dokumentacija. Imali smo uvjeravanja da je to to da svi projekti koji nisu imali spremnu dokumentaciju da se ne nalaze u budžetu. Danas je očigledno stanje potpuno drugačije. Naravno vrlo je ambiciozno potrošiti budžet u tako lošem Sarajevu zapušteno od milijardu KM i to će se naravno pokazati na kraju ove fiskalne gospodine. Naravno ja sam potpuno ubijeđen u najmanju ruku da ćemo imati još jedan rebalans budžeta. Također slušali smo danima bit ćemo prisiljeni na to na neki način. Slušali smo danima priče da li je taj budžet nekih prethodnika bio prenapuhan itd. A očigledno da mi sada prelazimo što kažu milijardu KM. Ali evo ipak na kraju želim da pozdravim barem ovu inicijativu koju je uvažio premijer i Vlada vezano za djecu u vrtićima da se te liste čekanja smanjuju. Nadam se da ova stavka od 2 miliona koju su ubacili u budžet će biti operativno realizirana i sprovedena u praksu da tih 500 ili 600 roditelja koji se nalaze na listi čekanja će to svoje pitanje rješavati barem do kraja ove godine. Tako da pohvaljujem tu vrstu priče a ove neke stavke i amandmane koje smo mi predložili vidjeli smo da valjda bukvalno nije prihvatila naš ni jedan amandman koji smo mi predložili. Ali evo ovaj je na neki način djelimično ugrađen u rebalans budžeta Kantona Sarajevo za 2019 godinu.

Poslanik/zastupnik Samra Ćosović- Hajdarević:

Evo zahvaljujem predsjedavajući. Ja zaista ne mogu da ne spomenem i da se ne osvrnem na vrtić Vjeverica ko ji se nalazi na Alipašinom polju. Dolazim sa tog područja i znam koliko djece i kolike su liste čekanja u tim vrtićima, a svima je poznato da sam već jednom ulagala amandman na isti koji sam također i danas pripremila. Pa evo pošto Vlada tvrdi kako pored osiguranog budžeta mnogi projekti nisu spremni a ovdje imamo vrtića Vjeverica kojeg je spremila i pripremila općina Novi Grad ne bih se složila oko iznošenja ministra da se ne može ništa uraditi po tom pitanju a Vlada Kantona Sarajevo nije našla sredstva kojim bi unaprijedila

odnosno dala da se taj isti vrtić Vjeverica pomogne. Kako znamo da je Općina Novi Grad izdvojila 250.000 da bi očistila taj vrtić od raznoraznih šprica, smeća i odlagališta i pripremila ga za naredni projekat ako se ne varam u petak je raspisan javni poziv, odnosno tender je raspisan gdje ako sam dobro upratila općina je raspisala poziv da konkurišu sve moguće firme da bi učestvovala u rekonstrukciji vrtića Vjeverica. Ono što sam željela da naglasim je ako se ne varam ostatak novca koji je potreban oko 1.950.000. pa evo ako mogu da zamolim Vladu Kantona da izađe u susret vezano za ovaj projekat koji je spreman i koji čeka za realizaciju. Hvala.

Poslanik/zastupnik Vildana Bešlija:

Hvala. Pa evo prije svega želim pohvaliti Vladu što su sredstva za pojedine projekte u rebalansu usklađena sa pripremljenošću projekata i realnim mogućnostima realizacije u 2019 što nije bio slučaj složit ćete se prethodnih svih ovih godina. Ovakvim pristupom i dinamikom možemo očekivati da izvršenja po pojedinim projektima neće tako značajno odstupati od sredstava planiranih u rebalansu budžeta i da će građani i privreda napokon dobiti veće koristi od projekata i uopšte aktivnosti Vlade. Zbog svega toga moram istaknuti da se ne slažem sa izlaganjem prethodnim kolege Devića jer je bitno i povećano učešće kapitalnih transfera i izdataka u odnosu na izvršenje i 017 i 2018 godine. Također nije naodmet ponoviti da je u 2017 ova kategorija rashoda učestvovala sa 15% u ukupnim rashodima. U 2018 sa 14% . U ovom rebalansu je učešće 21%. to znači da je ovaj budžet u većoj mjeri razvojni nego što je to bilo prethodnih godina, a posebno ove koje sam navela i zato sam sigurna da ovoj vlasti treba dati vjetar u leđa jer su ovom kratkom roku pokazali da može i mora i bolje i svaka čast. Hvala.

Poslanik/zastupnik Damir Marjanović:

Ja se zahvaljujem. Evo pokušat ću u stilu svojih kolegica i kolega da budem relativno kratak i da skratimo cijelu priču i cijelu diskusiju oko ovoga što se zove rebalans budžeta. Ponovit ću jednu rečenicu koju sam naučio i koju sam spomenuo vezano za Budžet. Budžet je između ostalog jednog ogledalo politike vladajuće većine, između ostalog i Vlade. I ono što smo rekli prošli put kada smo komentarisali budžet, spominjali smo rebalans budžeta. Bilo smo sigurni da ćemo kroz ovaj rebalans neke stvari koje su zapisane u programu šestorke vidjeti jasnije i čitljivije i konkretnije. I raduje me što je Vlada držala se onoga što je potpisano, što je napisano, u krajnjem slučaju onoga što je obećano građanima i zbog čega su i dobili potporu građana, a normalno i nas kantonalnih zastupnika. Normalno osvrnut ću se prvenstveno na obrazovanje. Po ovoj tabeli koju držim pred sobom, koja se tiče, to je stranica broj 14 ovog dokumenta koji ste nam dali, jasno vidimo da se povećava izdvajanje za reformu nastavnih planova i programa. Ja ću reći da je to još uvijek simbolično povećanje ali je u skladu sa dinamikom koju je profesorica Bogunić ministrica otprilike najavila za ovu godinu i siguran sam da će u narednom periodu, narednoj godini ta izdvajanja biti još veća i konkretnija. Vidimo da isto je uvećano izdvajanje za realizaciju zaključaka Skupštine Kantona Sarajevo za rad sa djecom sa poteškoćama u razvoju. To me izuzetno raduje. I ono što će me više obradovati jeste jedna detaljnija analiza u kojem pravcu će ići ova nova izdvajanja, mada je dosta toga već navedeno i između ostalog mislim da Ministarstvo realizira sve ono što je doneseno kao zaključak na toj Kantonalnoj Skupštini, ali između ostalog što smo tražili mi kao kantonalni zastupnici. Raduje me ovaj dio sufinansiranja predškolskoga odgoja, tako je navedeno. Posebno me raduje što se na taj način ispunjava nešto što je bila dugogodišnja inicijativa Naše stranke a između ostalog što smo tačno napisali u ovom programu šestorke i to me posebno obradovalo prije par mjeseci kada su kolege iz SDA prihvatile taj koncept i kada su prihvatili kao inicijativu. To je dokaz u dobrim stvarima, bez obzira iz koje stranke dolazite i kako dolazite, jasno je da dobre stvari trebaju biti podržane. Ja neću ponavljati toliko puta kao kolega Dević, ja ću samo ponoviti da mi je drago da su kolege iz SDA

podržale tu mjeru i da smo zajedno na neki način eto ojačali taj front prema premijeru da se to realizira. Na kraju, mogu da vidim jedan koncept koji mi se izuzetno sviđa, kada govorimo o predškolskom odgoju. Taj koncept jeste kratkoročnih mjera ili rješavanja problema ove godine sada i mislim da je tu ministrica Bogunić i premijer Forto i svi zajedno koji su radili na tome pronašli jedan dobar model, jedan dobar balans. S jedne strane rješavamo problem koji imamo sada, koji se mora u septembru riješiti a s druge strane pripremamo se i na dugoročno rješavanje problema, u jednom konceptu pojačane izgradnje kapaciteta, postojećim kapaciteta Djece Sarajeva, pa možda u nekom narednom periodu, kada te kapacitete budemo ojačali dođemo i do toga da subvencije privatnim vrtićima više neće biti potrebne na taj način. Ja sam postavio pitanje premijeru Forti ovako u nekom prijateljskom maniru, htio sam da nabacim loptu, ali izgleda da su ljudi iz Vlade previše zaokupljeni svojim poslovima da bi se hvalili onim što su uradili. Taj dio se tiče Strategije za mlade. Prije par sedmica smo imali ovdje jednu jako žučnu raspravu i govorili smo o svemu onome što treba uraditi za mlade i znam da prilikom razgovora oko rebalansa ovoga smo čak insistirali u jednom momentu da se čak odvoji neka posebna linija, međutim premijer i ministri su nam vrlo jasno pokazali da ovim mjerama u ovom rebalansu prilikom povećanog iznosa za zapošljavanje za subvencioniranje kupovine stanova, pa u krajnjem slučaju i ovog dijela koji se tiče omogućavanja rješavanja problema upisne politike u vrtićima da je sve to možemo nekoliko miliona maraka pročitati i pronaći vezano za realizaciju svega onoga o čemu smo pričali. Mislim da vezano za naučno istraživačku djelatnost ovdje u rebalansu nema toga i drago mi je da je kolega Dević to spomenuo. Mislim da to stoji i da je to dobra tendencija ono što možda nisu baš svi upoznati konkurs za projekte i konkurs za korištenje tih sredstava je raspisan. I znam iz osobna iskustva da su kolege znanstvenici, iz znanstvenih institucija i sa svih univerziteta izuzetno zainteresirani i mislim da pripremaju aplikacije i nadam se da će kada se završi konkurs u vrlo brzom periodu jedna jaka komisija sve analizirati što treba da analizira i da će ta sredstva postati operativna i da ćemo i mi znanstvenici opravdati ono što je Skupština i Vlada uložila povjerenje u nas pa nam je povećala na neki način taj iznos na koji možemo kao znanstvenici aplicirati. Na žalost ja mislim da ja neću moći ali sigurno jedan veliki broj drugih znanstvenika koji će to sigurno uraditi. Na kraju, mogu da kažem da barem što se tiče obrazovanja i nauke kroz one mjere koje smo predvidjeli kao šestorka, kroz one mjere koje su zapisane iz oblasti obrazovanja i nauke jasno mogu da očitam i da pročitam ovo što ide u tom pravcu i to je realizacija ali ćete mi isto tako da dozvoliti da i kao par kolega maloprije se osvrnem opet na one subvencije. Nemam namjeru da pričam o tome na koji način to treba da se uradi, vjerujem da će premijer i Vlada, kao i do sada više puta jasno pronaći modalitet da te subvencije budu uistinu subvencije onima kojima trebaju ali ću ih podsjetiti na jednu od tačaka vezano za tu tematsku sjednicu kada smo rekli da je jedna od bitnih stvari ustanovljavanje i utvrđivanje na pravni način odgovornosti onih koji su povećali te cijene, prvo da li je opravdano povećanje a drugo ako nije ko je odgovaran za tako nešto. Sve se nadam da ako je uistinu bilo neopravdano to povećanje cijene da će doći vrijeme da oni koji su odgovorni odgovaraju a oni koji su prouzrokovali ja bih rekao odsustvo ovih 8 miliona KM u nekim kapitalnim investicijama, možda čak iz obrazovanja i nauke i taj novac vrate u budžet Kantona Sarajevo. Zahvaljujem se.

Poslanik/zastupnik Zvonko Marić.

Zahvaljujem predsjedavajući. Zaista nisam mislio govoriti ali sam ponukan nekim diskusijama pa ću samo nekoliko rečenica u najkraćem reći. Nemam nekih generalnih zamjerki za budžet, nadam se da će ovo nešto o čemu smo govorili biti usmjereno u onom pravcu o kojem sam ja govorio međutim moram reći kada je riječ o predškolskom odgoju i ovoj subvenciji vezano za privatna obdaništa i javna, pitanje je moje se odnosilo na to da li i koliko ova Vlada i premijer vjeruju u trajnost koncepta subvencioniranja recimo tih razlika cijenu za smještaj u obdaništima između privatnih i javnih obdaništa, tim prije što sam u

nekoliko navrat govorio, a i u prošlom mandatu da su prethodne Vlade napravile toliko toga pogrešnog i nagomilani problemi očigledno eskaliraju u ovom vrijeme. A reći ću da kada je riječ o podužem spisku koji svi počinju da govore o njemu i na neki način se solidariziraju sa problemima roditelja jasno je da toliko ima obdaništa koja nisu obnovljena a prethodne Vlade nisu imale sluha tada da to urade i time bi povećali sigurno kapacitete za smještaj djece u vrtićima i obdaništima. Obdaništa su ruinirana i služe narkomanima. Koliko je samo obdaništa izdato na neki način ambasadama i ubiru se kirije a na drugoj strani subvencionirano privatna obdaništa. To su pitanja koja treba rješavati samim tim i rukovođenjem tim dječjim vrtićima. Znamo da je tamo vršiteljica dužnosti, ja mislim po šesti put vršiteljica dužnosti, što je nedopustivo čak i za ovu Vladu koja je naslijedila takvi problemi se moraju rješavati i bojim se da subvencije nisu sistemska rješenja. Nisu sistemska rješenja. Ja insistiram na tim, a ne svojevršnom populističkom pričom e mi smo predložili takvu inicijativu e hvala Vladi što je usvojila itd. A gdje su uzroci, ovo mi govorimo o posljedicama. Gašenju požara. Ja govorim o sistemskim rješenjima i insistiram na njima. A ne da to bude subvencija. Prema tome, evo i kolega Marjanović e pomenuo nekoliko puta koncept a ja govorim upravo o tome konceptu subvencioniranja koji mislim da nema perspektivu i neće dobro ništa donijeti jer je to trenutačno rješenje. Kapaciteti, svi govore o kapacitetima u obdaništima. Pa zašto ih ne povećamo ako imamo pretpostavke kada je riječ o zgradama čiji je vlasnik JU Djeca Sarajeva? Zašto se ne insistira na tome da te ambasade koje su iznajmle prostore u obdaništima nisu naš prioritet. Naš prioritet su naša djeca koja moraju biti smještena a ne da se otvara neka perspektiva tako da ću toliko insistiranje na subvencioniranju privatnih obdaništa ispast će da mi favoriziramo privatna obdaništa u odnosu na obdaništa čiji je osnivač ova Vlada, odnosno ova Skupština. To je ono na što ja ukazujem. Mene ne interesiraju puno, trenutna rješenja u redu, ok, subvencioniranje došli smo u takvu situaciju, to je posljedica pogrešene politike u ovom segmentu. I u redu, ugasit ćemo taj požar. Ali koji su sljedeći koraci na planu da dođe JU Djeca Sarajeva da dođu u posjed svoje imovine i da se to rekonstruira. Zar nije bilo bolje da nismo dovedeni u ovakvu situaciju da sa 2 miliona i nešto subvencioniramo razliku u cijenama između privatnih i javnih smještaja djece i javnih poduzeća i da smo ta dva miliona dali za obnovu jednog obdaništa. Jel mislite da se ne bi smanjila lista čekanja? To je suština. Ja samo insistiram na sistemskim rješenjima a nikako ovdje slavodobitno mi znate napravili smo problem e sada smo predložili subvenciju kao model rješavanja svih gorućih problema. Taj se problem već proteže 20 godina, ja to moram ponoviti i svi to ponavljamo. I mi smo u situaciji da ugasimo taj požar, pa ugasimo ga, ali šta e sljedeći korak i kroz budžet da li se mogu izdvojiti sredstva da se obnove neka obdaništa ili eventualno da se nekim postupkom vrata ona obdaništa odnosno zgrade koje iznajmljuju strane ambasade. Hvala.

Poslanik/zastupnik Vedran Jakupović.

Zahvaljujem predsjedavajući. Dijelom ću se osvrnuti na neke teze koje je iznio kolega Dević. Na početku da pohvalim ovaj rebalans budžeta neke stvari koje su nove, neke stvari koje su nastavljanje iz onog prvobitnog budžeta koji smo donijeli početkom godine. Prvenstveno bih podsjetio na jedan katastrofalan odnos prethodne Vlade, predstava po pitanju budžeta, onog teatra koji smo imali sa povlačenjem budžeta dva puta, mrcvarenja i nas i građana čak. mrcvarenja i članova Vlade koji nisu htjeli da povlače Budžet, a premijer ga je povlačio. Nakon toga smo imali pokušaj premijera Vlade FBiH da problematizira nacrt budžeta. Srećom malo je zakasnio. Nakon toga imamo opet udar na budžet povećanjem cijene gasa. Dakle to su neke stvari koje treba napomenuti evo samo za početak. Evo sada da se okrenem konkretnim lijepim stvarima koje imamo. Iz oblasti obrazovanja evo kolege su već pomenule obdaništa i da je ovo rješenje predložili zastupnici iz SDA da idemo na subvenciju. Jedan kratkoročni dio rješenja problema. Dugoročno mi već imamo u procesu vraćanje vrtića u Vogošći. Već imamo u procesu novih 500.000 KM za vrtić Bulbul u Starom Gradu koji će

uveliko riješiti problem djece predškolskog uzrasta u Starom Gradu. Naravno uz pomoć općine Stari Grad. Također imamo u toku rješavanje problema vrtića u školi Aleksa Šantić. Kada je riječ o pravilniku o inkluziji očekujemo da do 30. juna bude gotov pravilnik o inkluziji i ovih 1,2 miliona je ustvari onih 1.8 miliona koje smo planirali za inkluziju. Primarno sistemsko rješenje ovog problema odnosi se na JU Vladimir Nazor. Naravno prošlo je pola godine pa sada imamo 1,2 miliona. Nemamo više 1,8 miliona. I posebno kada je riječ o projektima odnosno pozivu za nauku 2,8 miliona možemo ko je zainteresovan pogledajte da je oglas već raspisan, poziv, do 10.07. se svi mogu prijaviti. Dakle i oblasti i projekti naučno istraživačkog rada, i objavljivanje u časopisima, i kažem nekih je sedam programa da sada ne prolazim detaljno kroz svaki od njih ali taj poziv je aktuelan evo do 10.07. se naučni radnici mogu javiti. Ono što bih ja još istakao je uvažavanjem mojih prijedloga na onaj nacrt budžeta prethodne Vlade koji je minimizirao sredstva koja su izdvojena za Biblioteku, Nacionalnu univerzitetsku biblioteku. U ovom rebalansu imamo povećanje sredstava za 60.000. također povećanje sredstava za Biblioteku za slijepa i slabovidna lica. I konačno realizaciju projekta kupovine ovog dijela Hadži Sinanove tekije i kreiranje jedne kulturno historijske cjeline koja je u dogovoru sa gradom Sarajevo u toku ove godine da ćemo i realizovati. I evo da zaključim sa zdravstvom, uz ostanak sredstava koja smo planirali i uvećali kada je riječ o preventivnoj zdravstvenoj zaštiti imamo dodatna kapitalna ulaganja i u KC i u Općoj bolnici. I to su neki od razloga koje su i mene potakli i nadam se evo da ćemo dati izrazito jaku podršku izmjenama rebalansu budžeta. Hvala.

Poslanik/zastupnik Elvis Vreto.

Hvala predsjedavajući. Prije svega želim da se zahvalim na odgovorima koje sam postavio na pitanja. Odgovori su mi pomogli da skratim diskusiju po pitanju ovih izmjena i dopuna budžeta. Ono što se treba istaći i ponoviti zbog nekih koji to ovdje očito ne vide. Da je ova Vlada u nepunih šest mjeseci napravila takve iskorake, koji malo je reći možda pola mandata nisu uspijevala prethodne Vlade a možda i za cijeli mandat. Da li postoje stvari u ovom budžetu koje treba još raditi u odnosu na mjere šestorke koje su usvojene? Da. Mnogo je toga što je naslijeđeno iz prethodnog saziva, potpisani sporazumima sa sindikatima. Danas čujemo da sindikat traži, ima novi zahtjev. Ti sporazumi su opteretili kantonalni budžet da je troškovi budžeta na administraciju su možda najveći u istoriji ovog Kantona i sigurno da su to stvari kojima se treba posvetiti u narednom periodu. Ja očekujem da budžet za 2020 godinu krene u ozbiljnu reformu smanjenja javne potrošnje. Ono što je šestorka najavljivala i sigurno ono što nas čeka. To su sigurno neki rezovi koji su bolni ali su neophodni kako bi napravili balans između javnog sektora i realnog sektora kako bi smanjili takav jaz. Ono što želim a istaknem da su zaista sva Ministarstva i ono što smo imali u obrazloženju ponudili kvalitetna rješenja u ovom trenutku jedina moguća. Sanirajući određene posljedice kao što su poskupljenje plina, sigurno da je to nužno rješenje bilo. Kupovina opreme u javnim preduzećima, kapitalni transferi kroz ministarstvo saobraćaja nabavka novih vozila. Više novca za izgradnju škole na Šipju. Na žalost škola na Stupu neće moći biti ugrađena u ovom rebalansu zbog imovinsko pravnih problema. Da vas podsjetim da je zbog građana Stupa, da je lokacija na kojoj je predviđena i usvojena regulacionim planom škola pod plombom Tužilaštva Kantona Sarajevo. Spor se vodi ne zna se niti se može predvidjeti kada će taj spor biti završen. Pretpostavlja se da je to par godina i sigurno će ovo izazvati jednu drugu potrebu da lokalna zajednica odnosno opštinsko vijeće krene u proces možda traženja zamjenske lokacije kako bi mi u Kantonu Sarajevo mogli za narednu godinu kvalitetno planirati izgradnju škole. Da li će se to desiti to je stvar i lokalne zajednice i naravno građana MZ Stup. Ja u principu na osnovu svih ovih informacija koje imam zaista očekujem takav jedan pristup. Želim da pohvalim Vladu Kantona Sarajevo još jednom i da nastavi ovaj trend u kojem su počeli. Evo danas je za nekih malo više od pola godine i ove Skupštine 10. radna sjednica Skupštine Kantona Sarajevo što sigurno govori o kvalitetu rada kako Vlade Kantona Sarajevo i ove Skupštine.

Toliko predsjedavajući. Hvala.

Dopredsjedavajući Vibor Handžić:

zahvaljujem predsjedavajući. S obzirom da se javlja prvi put, srdačno pozdravljam se prisutne i one koji na bilo koji drugi način prate rad današnje Skupštine. Ja se najprije želim zahvaliti Vladi Kantona evo konkretno ministru Amelu Kovačeviću na ovom uvodnom izlaganju koje je podnio. Znamo da je rebalans budžeta, odnosno izmjene i dopune da se provode po hitnom postupku. Mada je ova Vlada ovaj rebalans budžeta po hitnom postupku ponudila i izvan te procedure hitnog postupka s obzirom da je on i objavljen skoro kao po redovnoj proceduri. Okačen je na stranicu 12 dana prije sjednice. S tim što su zbog ovog hitnog postupka čak zastupnici imali i benefit u smislu da su do današnjeg dana mogli predlagati amandmane a ne kako to skraćeni postupak nalaže 7 dana minimalno prije održavanja Skupštine Kantona Sarajevo. Ja ću još napomenuti da federalni o budžetima ne prepoznaje redovnu proceduru za donošenje rebalansa budžeta po bilo kom osnovu. I zato je smiješna ova kritika hitne procedure donošenja rebalansa budžeta. I ja ću istaći da je otprilike jako nekorektno da su dva amandmana došla prije sedam dana a 37 jutros pušteno u proceduru. Ali nema veze. Moram zaista prokomentarisati ovu obrnutu logiku koja posebno u istupima i diskusijama kolege Devića provejava. On je nekako ironično kritikovao Vladu Kantona Sarajevo da je naslijedila neke projekte utopljanja i subvencioniranja grijanja od stare Vlade i predstavlja ih kao svoje samo ih je malo intenzivirala a onda trijumfalno kaže da je Vlada usvojila neki revolucionarni novi amandman SDA za subvencioniranje privatnih vrtića. A nije napomenuo da se recimo ta inicijativa kroz cijeli prošli saziv Skupštine Kantona Sarajevo od raznoraznih zastupnika iznosila na Skupštini Kantona Sarajevo kao jedan od dijela programa šestorke u ovom mandatu. Što se tiče predškolskog obrazovanja, zaista neću imati dugu diskusiju zato što četvrti put raspravljamo o ovom budžetu. Najprije o nacrtu budžeta koji je ponudila stara Vlada pa kako je kolega Jakupović govorio, pravila kompletan cirkus u tom procesu donošenja. Dva puta ga povlačila itd. Pa smo imali nacrt isti potpuno budžet koji je ova Vlada postavila pa smo imali prijedlog budžeta nakon javne rasprave, i sada rebalans. Dakle četvrti put u ovom sazivu na sjednicama komentarišemo budžet za 2019 godinu. Zato ću skratiti svoju raspravu samo ću se osvrnuti na ono što je dosta kolega danas komentarisalo. To je ovo izdvajanje 2 miliona KM za subvencioniranje predškolskog obrazovanja što želim i te kako da pohvalim. Ne bih s složio sa kritikama kolege Marića, ne da se ja s njim ne slažem nego moram istaći da je jedina u ovom segmentu kratkoročna mjera koja je moguća s obzirom na ogromne liste čekanja upravo ovo subvencioniranje predškolskog obrazovanja odnosno pohađanja privatnih vrtića zato što smo u bivšem sistemu nekada imali 60 i nešto a sada da ne lupam tačan broj ustanova pod JU Djeca Sarajeva. Danas imamo u pola manje. Svakako da je ovo jedna kratkoročna mjera. I meni je drago, ona ne bi imala apsolutno smisla da se paralelno s njom ne odvija i ona dugoročna mjera koja je puno značajnija od nje a to je da radimo na rekonstrukciji postojećih i izgradnji novih prostornih kapaciteta za ustanove predškolskog obrazovanja. Mi imamo u ovom rebalansu budžeta nadogradnju. Imamo rekonstrukciju vrtića Vjeverica i Radost u Hrasnici koja je bila planira od stare Vlade u istom ovom iznosu. Ovo je naslijeđeno i imamo dodatno u rebalansu budžeta rekonstrukciju vrtića Bulbuli i Razigrani dani od 500, odnosno 800.000 KM. Znači da ova Vlada radi baš onako kako treba. Prati jedan proces, prati drugi. Da ne nabrajam sada sve ono što sam kritikovao prilikom prošlih budžeta o onoj zajedničkoj zgradi komunalnih preduzeća, izdvajanja u kabinetu premijera koja su na osnovu mojih kritika, nije na osnovu mojih kritika brojnih zastupnika, potpuno korigovana kasnije u prijedlogu budžeta. Ja vidim sa se pored ovih zatvaranja stajališta koje je eto naslijedili smo te neke ugovore, neću ponovo kritikovati, još jedina stvar koja je ostala u prijedlogu a koju sam otvoreno kritikovao kada smo raspravljali o nacrtu je grant koji je išao KAP-u s obzirom da smatram u ovom obliku kakvom je ona danas, ne zadovoljava svrhu svog postojanja. Sada vidim da i to vraćeno na onaj prvobitni iznos i

moram reći da sam potpuno zadovoljan izgledom ovog budžeta i da ću ga s radošću podržati. Zahvaljujem.

Poslanik/zastupnik Mirza Čelik:

zahvaljujem predsjedavajući. Pa kazati da nije korektno dostaviti prijedloge amandmana na današnji rebalans budžeta bar s moje strane nekorektno komentarisati. Mi smo imali pravo i obavezu kao zastupnici i to smo pravo i iskoristili kao zastupnici. Moji amandmani i Kluba SDA su se odnosili čisto da bi vas iz većine napomenuli i kako ste govorili u prijedlogu budžeta da ćete podržati nekoliko amandmana. Bar većinu amandmana je premijer Forto govorio da će podržati. Imamo stenograme, pogledajte stenograme pa ćemo vidjeti. I zaista nemamo razloga da se uvodimo u neke replike ili bilo što drugo. Ali evo napomenut ću. Odustat ću ja od nekih amandmana. Znamo kako će se to desiti na Vladi da će biti odbijeni. Ali jedan amandman nikako ne mogu prihvatiti da se o njemu ne raspravlja kada smo imali bezbroj sjednica i općinskog vijeća i Skupštine Kantona Sarajevo, a to je otkup zemljišta u vodo zaštitnoj zoni. Znači otkup zemljišta u vodo zaštitnoj zoni treba da bude prioritet ove Skupštine. To zemljište već duži niz godina se evo trebalo bar na neki način krenuti u otkup i smanjivati kapitalna. Imati zaduženja smanjeno u domaćih banaka za milion maraka je nešto što je trebalo povećati bar za pet miliona da se krene svake godine u otkup zemljišta u vodo zaštitnoj zoni. Evo predlažem da Skupština Kantona Sarajevo zajedno sa opštinskim vijećem organizuje zajedničku sjednicu kako bi upoznali sve zastupnike sa trenutnim dešavanjima na tim područjima koji se zovu vodo zaštitna zona. Ljudi koji imaju zemljište ne mogu da priđu niti da obrađuju to zemljište jer je to vodo zaštitna zona a imaju imovinu na sebi. Također me buni i mislim da radimo i činimo nepravdu prema boračkoj populaciji. Evo vidite da je uvećanje budžeta 12% kompletno a uvećanje u Ministarstvu za boračka pitanja je 3%. znači 700.000 je uvećan budžet ministarstvu za boračka pitanja a trebalo bi da bude 2, 7 miliona. Znate i problematiku. Svake godine imamo problema sa sredstvima za troškove dženaza, sahrana, pa evo sada e dobro da se uvećalo. Ali smatram da će to biti nedostajuća sredstva i pogotovo sredstva za rehabilitaciju banjsko i klimatsko liječenje. Tu imamo potrebu ove boračke populacije najmanje za još jedan milion. I smatram da smo trebali u rebalansu budžeta također voditi računa o ovoj populaciji. Što se tiče zgrada GPA evo drago mi je da se konačno otvorila priča u ovoj aktuelnoj Vladi za te dvije zgrade pogotovo radi dešavanja koja imamo na području općine Ilidža i mnogo je prijava u MUP-u na sama dešavanja dolje i često imamo intervencije policije vezano za one koji koriste te stanove. A da malo bolje pojasnim i nama svima i građanima da prilikom izlaza, odnosno kada se završi ugovor o zakupu koji traje još 13 godina, obaveza ove Skupštine i Kantona Sarajevo jeste da dovede zgradu u prvobitno stanje. To je klauzula u ugovoru. Mi moramo promptno rješavati ove zgrade što se tiče otkupa. To će nas zaista evo ministar je kazao da će biti uštede oko 15 miliona. Znači u ovoj godini bi trebali otvoriti razgovore i da dovedemo i nas sve u situaciju da nas upoznaju da je to konačno završeno. Još nekoliko stvari ću kazati i vjerovatno će Vlada imati odnosno tražit će pauzu da se izjasne o amandmanima. Ja ću moliti zaista da povedu računa o Amandmanu broj 5. i ako treba odustat ću od svih ostalih amandmana ali da krenemo u otkup zemljišta u vodozaštitnoj zoni Hrasnica Ilidža sa nekom stavkom koju predvidi Vlada da otvori pa bilo to 1000 KM ili nekoliko ali samo da imamo otvorenu poziciju u budžetu za otkup zemljišta u vodozaštitnoj zoni. Toliko od mene i evo nadam se da će Vlada uvažiti bar ovaj amandman broj 5 a za ostale amandmane ako treba ja ću povući.

Poslanik/zastupnik Igor Stojanović:

Hvala. Prije svega sve pohvale za rad Vlade Kantona Sarajevo. Smatram da je ova Vlada pokazatelj jednog progressa u odnosu na sve prošle Vlade u Kantonu Sarajevo, a što se tiče samog rebalansa budžeta, osim sredstava gdje u ovom trenutku prelazimo preko milijardu maraka po prvi put kada je u pitanju budžet posebno hoću da istaknem tri stavke u ovom

rebalansu budžeta. Prije svega, dragao mi je da je Vlada i dalje na fonu unapređenja obrazovanja i da za reformu obrazovanja izdvajaju se sredstva bez obzira što su ona simbolična ali se pokazuje jedan pristup i vjerujem da ćemo kada budžet bude rastao da će ulaganja za obrazovanje biti sigurno još i veća. Moja posebna pohvala je također jedan milion KM za uklanjanje arhitektonskih barijera za invalide osobe. Ovakav socijalni senzibilitet izuzetno mi je drago što je Vlada odvojila za ovakav projekat koji treba da prilagodi prolaze i vrata i pragove, stepenike, pultove, šaltere, toalete za osobe sa invaliditetom i mislim da milion maraka apsolutno je jedna cifra u kojoj će se mnogi problemi riješiti za ovu kategoriju. Također posebna pohvala za Vladu koja je nakon milion KM koje smo uspjeli u budžetu dodatnih milion KM izdvojiti za sport uspjela to isto da uradi u rebalansu budžeta. Dakle mi smo već sada uvećali budžet za sport bukvalno za 200% u odnosu na prethodne godine koje su bile. Zahvaljujem se ovdje i kolegama iz klubova, prije svega Bibiji Kerli, Dževadu Poturku, Amelu Mekiću. Zahvaljujem se na podršci. A žao mi je što danas ovdje nije sa nama kolega Delalić iz SDA jer bih volio da mi on danas objasni ovdje kako je dozvolio da njegov Klub SDA predloži milion maraka umanjenja za sport. Nakon što je sport u Kantonu Sarajevo na izuzetno niskim granama Klub SDA predloži milion maraka manje za sport i čudi me da je takav jedan prijedlog dozvolio kolega Delalić. Možda je to i razlog što ga danas nema na sjednici. Također moram se osvrnuti i na diskusiju zastupnika Devića. Nevjerovatno je ovo obrtanje nekih njegovih stavova u smislu ko je predložio dodatak za rješavanje situacija u obdaništima i kako je to Klub SDA. Ja moram reći zastupniku Deviću koji evo na žalost nije ovdje u sali, neću biti ovako blag kao kolega Marjanović ili kolega Handžić, ja moram reći prije svega vrlo direktno, Klub SDA nema apsolutno nikakve veze sa prijedlogom da ova odluka se donese na ovom nivou. SDA je u proteklih 20 godina imala priliku da riješi ovaj problem kada su u pitanju obdaništa i kao što reče kolega Handžić u čitavom prošlom mandatu se ovaj problem kroz inicijative pokušao riješiti. U prošloj godini je na čekanju bilo 480 djece. Sada smo već došli na 600 djece i sada se odjednom SDA kao sjetila da riješi ovaj problem s obdaništima. Ovo je prije svega mjera Vlade šestorke i ovo će se zbog toga isključivo riješiti a ne ni zbog kakvog angažmana SDA. Također moram se osvrnuti i na stalne prozivke oko izvršenja budžeta. Dakle ove kritike od strane Kluba SDA ne da ne stoje, nego su prije svega licemjerne s obzirom na izvršenje budžeta u proteklim godinama dok je SDA imala i premijera i bila u poziciji prije svega bi se u ovakvom slučaju trebali osvrnuti na to šta su radili u proteklim mandatima. Podaci koji su trenutno, koje trenutno posjedujem vezano za izvršenje budžeta, trenutno izvršenje budžeta 2019 u prvoj godini Vlade šestorke je na tromjesečju bila samo 1% manje od Vlade koja je nakon četiri godine pod premijerom SDA Vlada u prošlom mandatu. I to je nakon tri mjeseca. Sada ćemo čekati izvještaj nakon šest mjeseci i onda ćemo vidjeti gdje se nalazimo. A ja nikakve sumnje nemam da nakon ovog rebalansa i nakon ovakvog starta Vlade šestorke ovo izvršenje Budžeta će na kraju godine biti daleko više u odnosu na sve premijere iz SDA. Evo samo jedna činjenica kada je u pitanju Ministarstvo prostornog uređenja, građenja i zaštite okoliša. Izvršenje tekućih transfera u 2019 godini je do sada 12% a dok je bio ministar iz SDA u isto vrijeme 2018 izvršenje tekućih transfera je bilo samo 2%. izvršenje kapitalnih transfera 2019 u istom Ministarstvu 20% a u prošloj godini, u završnoj godini mandata nakon četiri godine rada 0.35%. Dakle stvarno ne bih više govorio o ovakvim stvarima jer jednostavno nema više nikakvog smisla. Ali ovakve neistine iznositi na Skupštini u kojoj smo mi stalno od zastupnika SDA izvedeni na jedan sud i na jednu manipulaciju podacima ne bi li se javnost ubijedila u neke njihove ne znam kako bih rekao samo njihove istine, apsolutno ne stoji. Treba prije svega da se zapitate u kojoj su to poziciji bile prethodne Vlade pa tek onda da analiziramo rad ove Vlade. I na kraju ću reći da ovakav rad Vlade Kantona Sarajevo ima punu podršku Kluba zastupnika iz SDP-a. Hvala.

Poslanik/zastupnik Damir Nikšić:

Hvala. Ja sam bio razumio da su utopljavanje i prelazak na plin bili kao ideje i projekti i to pa sam htio da vas napomenem da su to zapravo svjetski trendovi te neke energetske efikasnosti a ne samo projekti nekakvih naših ovdašnjih Vlada. Nismo mi izmislili neku toplu vodu ovdje mi samo pratimo te trendove i usklađujemo sa EU standardima jer smo to dužni raditi na kraju krajeva. Ali nešto što je važnije od imanja napisanih projekata je njihovo provođenje tj izvođenje. Jer mnogi genijalni projekti čuče u ladicama ovdašnjim ladicama još iz doba socijalizma ako se slažete sa mnom. Imamo definisane još za vrijeme socijalizma i vodozaštitne zone, zaštićene zone, ruže vjetrova, urbanistički razvoj pa to ništa nije ispoštovano ovih zadnjih godina. Imamo zakrčenje grada. Vrlo lošu infrastrukturu i kanalizaciju to sve s obzirom na koliko se gradi i kako se gradi. U suštini šteta je nanesena kako kažu u američkim filmovima *demage is done*. I mi ovdje pokušavamo neke kozmetičke i neke manje više sistemske promjene i reforme. Pokušavamo da uradimo ono što možemo s ono para što imamo. I vjerovatno i moglo bi se i bolje ali treba više para. Ali budimo realni, evo samo da razmislimo kada smo idealisti ovdje, samo kada bi smo krenuli u ozbiljnu inspekciju ili ne znam kako se to kaže reviziju okolišnih dozvola bojim se da bi došlo do manjeg građanskog rata u Kantonu Sarajevo. Mislim da bi bilo bi nekih ozbiljnih političkih pritisaka i onako bezbjednosne krize u Kantonu jer bi dirnuli u nešto što se ne smije dirati. Bilo bi tu puno problema. Samo kada bi krenuli da vidimo kako se legalizuje čitavo naselje, kako se da dozvola nekome da napravi kuću pokraj deponije smeća i odmah do zida deponije. Ne mogu da shvatim-. Nije samo kuću, školu, igralište. E sada vjerovatno ta deponija bi trebala da bude onakva kakva je zamišljena. 2004 je napravljena, trebala je da bude najsavremenija deponija i ne bi trebalo da smrdi. Meni su napomenuli deponija ne bi trebala da smrdi ne bi trebala da bude opasna. A eto nekako od 2011 do danas to je totalni jedan odron desilo se da je to dotaklo dno. Ja se nadam da svi ovdje imamo najbolje namjere prema građanstvu. Prema građanima Sarajeva i ja mislim da bi to trebalo onako da nas drži zajedno fokusirane na to bez populizama mi smo se prvi, mi smo ovo. Šta smo? Izmislili trofaznu struju ovdje u Kantonu? Trebamo da se držimo tog pravca da radimo u korist građana i ono što po meni mislim da se možemo složiti svi to su zelene politike, po meni, koje su isto tako po meni nekako srž ovih svih 300 tačaka ove šestorke srži djelovanja ove Vlade i skupštinske većine. I mislim da bi se oko toga trebali svi zajednički okupiti i pokušati kroz ovaj budžet i u ovoj narednoj godini i u narednom mandatu da zaista da spasimo, evo ne moramo mi spasiti vlast, hajde da spasimo zdravlje građana i da spasimo zdravlje te djece koja rastu i da se fokusiramo na to i da idemo dalje. Naravno ovo sve, hitna je procedura, Budžet, ali to moramo raditi tako kako se kaže u hodu za sada, ovu godinu. Toliko sam ja shvatio koliko sam shvatio pošto evo ne moramo napominjati bilo je hoću neću, povlačim ga, ne povlačim ga, evo ga vamo, isto šibice da mi je gospodin Zolj kao da mi šibice vrtio pa ima li budžeta nema li budžeta. I mi pokušavamo od toga da napravimo ono najbolje što možemo u ovom momentu i hajmo da se fokusiramo da sa ovim rebalansom i sa ovim svim iščerao ovu godinu na zelenu granu i da probamo da krenemo zajednički prema boljitku naših sugrađana, naše djece i u neku zdraviju narednu godinu pošto je i u neku zdraviju zimu pošto je ova prošla bila katastrofalna. Hvala.

Poslanik/zastupnik Jasmina Bišćević-Tokić.

Zahvaljujem predsjedavajući. Pa evo imala bih repliku, nisam htjela odmah da se javljam kolegi Viboru Handžiću kada je pričao za hitnu proceduru i da li je nešto normalno ako se uloži na dan 30 amandman. To sve Poslovnik o radu Skupštine Kantona Sarajevo dozvoljava. Ne sjedimo na Federaciji, sjedimo u Skupštini Kantona Sarajevo. Vezano za kolegu Delalića želim da kažem radi građana Kantona Sarajevo kolega Delalić je opravdao svoje odsustvo jer je na priprema sa reprezentacijom tako da svaka insinuacija od kolege Stojanovića stvarno ne stoji. I svi ste bili upoznati i najavio je na prošloj sjednici da nije tu. Ali evo ono što stvarno moram skrenuti pažnju ne bitno je uopšte vezano za ove replike jeste amandman koji sam ja

uložila na prošloj sjednici kada se pričalo o Rebalansu budžeta. Radilo se za jednokratnu pomoć za svaku rođenu bebu u Kantonu Sarajevo i u stenogramu stoji kako je premijer Forto obećao da nije imao vremena da sagleda svu situaciju i da će sigurno takvu vrstu pronatalitetne da kažem tematike uvrstiti u rebalans budžeta. Na žalost ja sam stvarno tužna jer u ovom Rebalansu budžeta nije usvojen i ako lokalne zajednice mogu da kažem iz svog finansijskog fonda odvojiti za jednokratnu pomoć za svaku rođenu bebu ja mislim da i ova institucija kao što je Skupština Kantona Sarajevo bi trebala takve stvari podržati. Prije svega odnosilo se za svaku rođenu bebu bez obzira na status majke da li je zaposlena ili nije zaposlena. Ali evo ja da kažem molim premijera Fortu da uzme u obzir barem one majke koje su nezaposlene i da još jednom ova Vlada donese odluku da im pomognemo čisto radi majki koje ne rade. To nam je cilj da poboljšamo demografsku situaciju u našem Kantonu jer u principu sve što radimo, počev od sebe pa nadalje radimo radi generacija koje dolaze. Također imala sam amandman za dječji dohodak i bilo je rečeno da se radi socijalna karta pa evo nisam stigla s ministrom iskreno da porazgovaram dokle je u suštini stigla ta socijalna karta i kada možemo očekivati povećanje vezano za dječji dohodak. Evo već su ko9lege prije mene, mislim kolega Jakupović i kolega Marić pričali uopće o predškolskom odgoju vezano za djecu s poteškoćama u razvoju. Bilo je 1,8 miliona sada je 1,2 miliona. Ne znam da li je ovih 600.000 utrošeno već na taj vid kroz budžet Kantona međutim smatram da i ova sredstva od 1,2 nedovoljna da bi riješili ovakvo pitanje koje je vrlo važno za sve građane Kantona Sarajevo. Svakako mi trebamo riješiti sistemski ovo pitanje i na prethodnoj sjednici sam inicirala također prema Ministarstvu obrazovanja da se finansiraju asistenti u nastavi. Želim naglasiti da do sada su roditelji plaćali asistente u nastavi i otprilike je to bilo individualano između škole do škole između 400 i 600 KM čak neke škole nisu imale asistente u nastavi i ne znam da li svi mi koji sjedimo u skupštinskim klupama smo svjesni kako izgleda uopšte jedan dan takvog roditelja i koliko roditelj izdvaja finansijskih sredstava za svako dijete. Vjerujte ta mjesečna primanja su 600 do 700 KM. Svaki roditelj odvaja za logopeda, za defektologa, za neurofidbek i da kažem da jako malo imamo kadra medicinskog koji bi se mogao posvetiti takvoj djeci. Vjerujte da imamo dva neuropedijatra. Znači nemojte da zanemarimo premijeru ovakvu kategoriju djece i smatram da ni jedna Vlada do sada nije uradila pomake vezano za sistemsko rješavanja djece s poteškoćama u razvoju. Šta da radimo s roditeljima ko ji imaju platu od 600 KM i ne mogu svom djetetu priuštiti da plati logopeda privatnog čiji čas košta 30 KM? Defektologa čiji isto čas to košta. Neurofidbek koji je sada postao vjerujte moderan u svijetu. U Zagrebu u Domu zdravlja imamo neurofidbek. U Domu zdravlja. Dajte da pošaljemo psihologe na edukaciju za neurofidbek dajte da pomognemo majkama, roditeljima, djeci takvoj. Ne trebamo zapustiti moramo naći sistemsko rješenje za takvu djecu, ne smijemo dopustiti da roditelj finansira asistenta u nastavi. Znači jš jednom molim vas premijeru Fortu apelujem na vas, kao prvog čovjeka u Kantonu da još jednom Vlada razmisli o jednokratnoj pomoći za bebe, i da se poveća novac za djecu s poteškoćama u razvoju. Istina je da se pokrenuo pravilnik i mislim da je sada u javnoj raspravi. Bilo je dosta amandmana za taj pravilnik koji je rađen iz Ministarstva. I znam da je postoji i strategija za djecu s poteškoćama u razvoju ali moramo i mi nekako napraviti prvi korak, obezbijediti finansijska sredstva za takvu djecu. Evo ja vas još jednom molim apelujem da na Vladi sada kada budete razmatrali odvojite sredstva za djecu. Hvala.

Poslanik/zastupnik Bibija Kerla:

Pa žao mi je što se ovakve diskusije kao što je rebalans budžeta koriste za udaranje opozicije i vraćanja udarca pozicije. Mislim da na ovakvim stavkama gdje se odlučuje stvarno o važnim stvarima za građane Kantona Sarajevo trebamo da budemo jedinstveni. Ja se vrlo dobro sjećam kada je bivši premijer Elmedin Konaković bio izuzetno ponosan kada je Budžet Kantona Sarajevo jednoglasno usvojen sa 34 glasa a nakon toga i rebalans budžeta. Nije mi jasno zašto smo se našli u situaciji da danas raspravljamo sat i po vremena o rebalansu

budžeta koji je izuzetno dobar i mislim da ovaj amandman koji je predložio, najkorektnija diskusija SDA stranke gospodina Mirze Čelika i mislim da bi Vlada Kantona Sarajevo trebala da uvaži ovaj amandman V i da se nađemo negdje na sredini i da kažemo dajte da konačno radimo za narod koji nas je birao.

Dopredsjedavajuća Smiljana Viteškić.

Hvala predsjedavajući. Evo ja ću kratko na kraju ne znam da li će biti još govornika, cijeni zastupnik Čelik, ja bih da podržim da zamolim Vladu da podrži Amandman I zastupnika Mirze Čelika koji se tiče sredstava za povećanje energetske efikasnosti objekta JU Dom zdravlja Ilidža. Zašto? Zato što u tom DZ nije samo DZ Ilidža nego je tu smješteno čak sedam zdravstvenih institucija. Medicina rada, apoteka, Hemodijalizni centar, Agencija za akreditacije i kvalitet u zdravstvu, HMP, Zavod za javno zdravstvo Kantona Sarajevo. Znači čak sedam zdravstvenih institucija. DZ Ilidža je u ratu na žalost bio vojni objekat oštećen je i ova pomoć ovo utopljavanje DZ Ilidža bilo bi od velike koristi za građane cijelog Kantona jer evo od nabrojanih institucija koje se tamo nalaze mnogi građani sigurno svakodnevno dolaze u DZ Ilidža.

Poslanik/zastupnik Mirza Čelik:

Zahvaljujem predsjedavajući. Radi stenograma i zahvaljujem prije svega Kerli i Viteškić. I ja povlačim sve amandmane osim Amandmana I i Amandmana broj V. I nadam se razumijevanju i Vlade i zastupnika u Skupštini Kantona Sarajevo prvenstveno da se zaista vodi računa o Amandmanu broj V koji sada postaje Amandman broj II tiče se otkupa zemljišta u vodozaštitnoj zoni Hrasnica Ilidža.

Poslanik/zastupnik Elvedin Okerić:

Zahvaljujem predsjedavajući. Dat ću jedan kratak osvrt kada je u pitanju prijedlog rebalansa budžeta, neću ulaziti u detalje i u cifre želim ovako dati jedna osvrt na rad Vlade. Želim da pohvalim rad Vlade Kantona Sarajevo i njene dobre procjene i reakcije u kriznim situacijama kao što su aktivnosti prilikom podnošenja apelacije na budžet Kantona Sarajevo od strane federalnog premijera. Te finansijska podrška MUP-a i Upravi policije u traganju za višestrukim ubicom Edinom Gačićem. Zatim prepoznavanje posljednjeg pokušaja destabilizacije Vlade kroz poskupljenje plina građanima Kantona Sarajevo. Jako je bitno za građane da izvršna vlast pored dobrih ideja inicijativa te implementacije projekata koji su od interesa za društvo ima pravovremenu reakciju u kriznim situacijama koje se često proizvode od strane neodgovornih pojedinaca. Ono što se može jasno vidjeti to je da ova Vlada Kantona Sarajevo ima jasnu viziju šta su prioriteti građana Kantona Sarajevo i koja su to ključna žarišta koja je neophodno unaprijediti i otkloniti kako bi se uspostavile univerzalne vrijednosti koje već odavno fale ovom društvu. U ime Naroda i pravde podržat ćemo ovaj rebalans budžeta. Hvala.

Predsjedavajući:

Zahvaljujem. Zaključujem raspravu. Nema više prijavljenih. Vlada treba pauzu za izjašnjavanje po amandmanima. Kolega Čelik je povukao sve osim ova dva jel tako? Ja vas molim samo da vi reagujete na Pazarić i na igrališta vladinim amandmanima. Pauza koliko treba? Sada je 19,29. oni moraju dok uključe u svoj dnevni red, isprintaju podijele. 20,00 sati nastavak. Pola sata.

NASTAVAK NAKON PAUZE

Predsjedavajući:

Molim kolege da zauzmu svoja mjesta. Počinjemo za minut, samo da se podijele materijali. TVSA za minut počinjemo. Kolegice i kolege zauzmite svoja mjesta molim vas. Cijenjene kolegice i kolege, nastavljamo sa radom 10. redovne sjednice. Premijer Forto će pročitati stavove Vlade po amandmanima pristiglim od SDA, kolege Devića i kolege Čelika. Premijeru izvolite.

Premijer Edin Forto:

Evo Vlada je zasjedala. Imali smo tri podtačke dnevnog reda, amandmani zastupnika Mirze Čelika, amandmani zastupnice Hajdarević – Čosović i amandmani Vlade.

AMANDMAN 1

Umanjuje se pozicija Ministarstva saobraćaja u odjeljku „Izgradnja i opremanje tramvajskih stajališta za kontrolisanu naplatu karata i uvođenje elektronskog sistema naplate“ ekonomski kod 615400 EAU089u iznosu 1.000.000 KM i uvodi se nova pozicija u Ministarstvu prostornog uređenja, građenja i zaštite okoliša odjeljku Kapitalni transferi neprofitnim organizacijama ekonomski kod 615300 „Sredstva za povećanje energetske efikasnosti objekta OJ Dom zdravlja Ilidža“ u iznosu od 1.000.000 KM.

Mi smo ovaj amandman odbili ali smo imali amandman Vlade koji je suštinski isti, pa ću objasniti.

AMANDMAN II

uvodi se pozicija u Ministarstvu prostornog uređenja građenja i zaštite okoliša Kapitalni transferi neprofitnim organizacijama „Otkup zemljišta u vodozaštitnoj zoni Hrasnica, Ilidža“ . Prvobitni amandman gđina Čelika bio je 30. miliona, mi smo ovo također odbili ali smo u skladu s njegovom diskusijom otvorili tu stavku na drugi iznos.

Amandmani zastupnice Čosović-Hajdarević 1,5 milion KM za rekonstrukciju vrtića Vjeverica, to smo odbili.

Imamo niz drugih projekata sa vrtićima ja se nadam da će ovaj vrlo brzo doći na red.

I Amandman Tekući transferi 100.000 KM sa kabineta predsjedavajućeg. Ovaj amandman je bio u suštini neispravan mada se u obrazloženju vidi da se traži za Studentske domove, ali je u suštini neispravan jer nema gdje se stavlja novac. I taj smo odbili.

Amandmani vlade, mi smo u ministarstvu saobraćaja kao što je amandmana zastupnika Čelika bio, sve je isto usvojili smo samo na iznos od 100.000. otvaramo praktično stavku za povećanje energetske efikasnosti za DZ Ilidža. Vjerujte kada taj projekat bude spreman mi ćemo ga i uraditi. Danas smo upravo govorili o našem zaduženju kod EBRD za energetske efikasnost javnih objekata. Spremit ćemo ovaj projekat i garantujem da ćemo ga u cijelom iznosu uraditi za DZ Ilidža stvarno je potreban. Sada imamo stavku konkretno za to na 100.000 a kada bude spreman mi ćemo dodati sredstva na tu stavku. Znači to je sigurno.

Također naš amandman vlade 100.000 KM skidamo sa namjenskog računa Zavoda za izgradnju koji ima namjenska sredstva za otkupe zemljišta u vodozaštitnim zonama i otvaramo novu stavku kao što ste rekli u Ministarstvu prostornog uređenja, samo ovaj put smo isto na 100.000 otvorili stavku „Otkup zemljišta u vodozaštitnoj zoni Hrasnica Ilidža“. Ovo je posebno otkup za njih. Samo bih htio još pojasniti ne postoji način na koji se otkupljuje zemljište iz vodozaštitne zone kada vlasnici žele prodati zemlju moraju ponuditi prvo Kantonu koji im je dao zabranu zbog vodozaštitne zone. Zabranu korištenja i raspolaganja. Mi trenutno nemamo zahtjeva iz Hrasnice. Imamo samo jedan zahtjev mislim iz oblasti oko Vrela Bosne od jednog arapskog investitora i možda još jedan koji je u pripremi na oko 100.000 koji također nije iz Hrasnice. Kako se budu ti zahtjevi dešavali mi ćemo vidjeti da u skladu s mogućnostima to i uradimo. Ovaj amandman je suštinski od zastupnika Čelika.

I iz ove rasprave skupštinske od predsjedavajućeg je došla inicijativa za rješenje prijevoza korisnika u ustanovi Domu u Pazariću. Mi smo sa tekuće rezerve kao amandman Vlade stavili 120.000 KM za kapitalne transfere pojedincima otvaramo novu poziciju nabavka kombi

vozila ja korisnike JU Zavod za zbrinjavanje mentalno invalidne djece i omladine Pazarić.

To su amandmani Vlade. Također želim jš reći da je bila rasprava oko izgradnje dječjih igrališta. Mi smo u rebalansu već povećali stavku kod KJKP Park povećana stavka za 200.000 izgradnja dječjih igrališta tako da već imamo to u rebalansu pa nismo intervenisali dodatno kroz amandmane Vlade. Hvala.

Predsjedavajući.

Zahvaljujem premijeru. Zastupnici koji ste podnijeli amandmane ostajete li kod svojih amandmana o kojima se Skupština mora izjasniti. Kolegica Ćosović-Hajdarević, kolega Dević, kolega Čelik. Dobro. Bitno mi je sada da vidimo koji je to I i V.

Dakle izjašnjavamo se kolega Čelik, oni su usvojeni djelimično a vi tražite da se Skupština izjasni o vašem prijedlogu. Dobro.

AMANDMAN I

Umanjuje se pozicija Ministarstva saobraćaja u odjeljku „Izgradnja i opremanje tramvajskih stajališta za kontrolisanu naplatu karata i uvođenje elektronskog sistema naplate“ ekonomski kod 615400 EAU089u iznosu 1.000.000 KM i uvodi se nova pozicija u Ministarstvu prostornog uređenja, građenja i zaštite okoliša u odjeljku Kapitalni transferi neprofitnim organizacijama ekonomski kod 615300 „Sredstva za povećanje energetske efikasnosti objekta OJ Dom zdravlja Ilidža“ u iznosu od 1.000.000 KM.

MOLIM ZASTUPNIKE DA PRISTUPE IZJAŠNJAVANJU O OVOM AMANDMANU.

Molim rezultate glasanja.

ZA JE GLASALO 9, SUZDRŽANO 15 . zastupnici se neki bune da ne rade. Služba možete li provjeriti šta se dešava kolega Milavica i kolegica Kerla namju mogućnost glasanja. Evo hajte onda sumnja u glasanje ići ćemo ovo pojedinačno ali bolje onda aklamacijom kasnije mada možemo i svaku pojedinačno. Hajte vi pojedinačno glasanje. Hoćemo li ponoviti glasanje? molim vas da se izjasnite o amandmanu kolege Mirze Čelika pravo glasa 30. izvolite glasati. Sada mi se čini da radi. Molim rezultate glasanja.

ZA JE GLASALO 9, SUZDRŽANIH 20.

SKUPŠTINA NIJE PRIHVATILA OVAJ AMANDMAN.

AMANDMAN V

Uvodi se nova pozicija u Ministarstvu prostornog uređenja, građenja i zaštite okoliša u odjeljku Kapitalni transferi neprofitnim organizacijama ekonomski kod 615300 „Otkup zemljišta u vodozaštitnoj zoni Hrasnica, Ilidža“ u iznosu od 30.000.000 KM. Sredstva je potrebno planirati kroz kreditno zaduženje.

MOLIM ZASTUPNIKE DA PRISTUPE IZJAŠNJAVANJU O OVOM AMANDMANU.

Molim rezultate glasanja.

ZA JE GLASALO 10, SUZDRŽANIH 18, protiv nije bilo.

KONSTATUJEM DA SKUPŠTINA NIJE PRIHVATILA OVAJ AMANDMAN.

SADA NEMA VIŠE ČELIK SADA IMAJU AMANDMANI ZASTUPNICE ĆOSOVIĆ – HAJDAREVIĆ.

Amandman I

Umanjuje se pozicija IV Tekuća rezerva člana 6 u iznosu od 1.500.000 KM i dodaje se na poziciju Ministarstvu za obrazovanje, nauku i mlade u KS i to ekonomski kod 821600 “Rekonstrukcija vrtića Vjeverica “

MOLIM ZASTUPNIKE DA PRISTUPE IZJAŠNJAVANJU O OVOM AMANDMANU.

Molim rezultate glasanja.

ZA JE GLASALO 8, SUZDRŽANIH 20, protiv ništa.

KONSTATUJEM DA SKUPŠTINA NIJE PRIHVATILA OVAJ AMANDMAN.

Amandman II

Umanjuje se sa pozicije II ukupno tekući transferi 614000 i to sa koda 614300 za 100 000 KM Kabinet predsjedavajućeg i zamjenika predsjedavajućeg SKS.

Ovo je nepotpun amandman Vlado o ovom se ne može izjašnjavati uopšte. Samo umanjuje se bez da se negdje. Ovo je neispravan amandman. Ne možemo se kolegice Čosović-Hajdarević o njemu izjašnjavati.

Amandman III

Umanjuje se pozicija IV Tekuća rezerva člana 6 u iznosu od 1.000.000 KM i dodaje se na poziciju Ministarstvu za obrazovanje, nauku i mlade u KS i to ekonomski kod 615100

“Projekat Opsada i odbrana Sarajeva 92-95-Memorijalni centar Žuč”.

MOLIM ZASTUPNIKE DA PRISTUPE IZJAŠNJAVANJU O OVOM AMANDMANU.

Molim rezultate glasanja.

ZA JE GLASALO 9, SUZDRŽANIH 20, protiv ništa.

KONSTATUJEM DA SKUPŠTINA NIJE PRIHVATILA OVAJ AMANDMAN.

AMANDMANI KLUBA ZASTUPNIKA SDA

Amandman I

U Budžetu Kantona Sarajevo u okviru planiranih pozicija za Ministarstvo za privredu Kantona Sarajevo, na budžetskoj poziciji “615400 IAU020 047F Infrastruktorno uređenje i rješavanje imovinsko-pravnih odnosa u privrednim i poslovnim industrijskim zonama KS” planirana su sredstva u iznosu od 2.934.565,00 KM, odnosno izvršeno je smanjenje u odnosu na planirana sredstva Budžetom Kantona Sarajevo za 2019. godinu za 705.435,00 KM. Smatramo da je navedeni iznos potrebno povećati za 300.000,00 KM, a sredstva za predloženo povećanje se mogu osigurati po osnovu neopravdanih povećanja Budžetskih pozicija “615400 IAU020 047F Podrška projektima KC Skenderija” sa 200.000,00 na 300.000 KM i 615400 IAU042 047F Podrška KJP Centru Skenderija” sa 100.000,00 KM na 300.000 KM”.

MOLIM ZASTUPNIKE DA PRISTUPE IZJAŠNJAVANJU O OVOM AMANDMANU.

Molim rezultate glasanja.

ZA 8, protiv nije bilo, SUZDRŽANIH 20.

KONSTATUJEM DA SKUPŠTINA NIJE PRIHVATILA OVAJ AMANDMAN.

AMANDMAN II

U razdjelu Ministarstva prostornog uređenja, građenja i zaštite okoliša pozicija 615200 Subvencioniranje mladih pri rješavanju stambenog pitanja se umanjuje za iznos budžetskih sredstava 2.492.400 KM.

U razdjelu Ministarstva privrede pozicija 614300 Projekti zapošljavanja mladih se povećava

za iznos 2.492.400 KM.

MOLIM ZASTUPNIKE DA PRISTUPE IZJAŠNJAVANJU O OVOM AMANDMANU.

Molim rezultate glasanja.

ZA 8, protiv nije bilo, SUZDRŽANIH 21.

KONSTATUJEM DA SKUPŠTINA NIJE PRIHVATILA OVAJ AMANDMAN.

AMANDMAN III

U razdjelu Ministarstva kulture i sporta sredstva na razdjelima umanjiti pozicije „Vrhunski sport-kriteriji“ iznos 500.000 KM i pozicija „Takmičarsko-razvojni sport – kriteriji“ iznos 500.000 KM, dakle ukupno 1 milion KM.

U razdjelu Ministarstva prostornog uređenja, građenja i zaštite okoliša pozicija 615300 Sredstva za povećavanje energetske efikasnosti individualnih objekata u vlasništvu lica u stanju socijalne potrebe se uvećava za iznos od 1 mil KM

MOLIM ZASTUPNIKE DA PRISTUPE IZJAŠNJAVANJU O OVOM AMANDMANU.

Molim rezultate glasanja.

ZA 8, protiv 2, SUZDRŽANIH 17.

KONSTATUJEM DA SKUPŠTINA NIJE PRIHVATILA OVAJ AMANDMAN.

MOLIM SADA ZASTUPNIKE DA PRISTUPE IZJAŠNJAVANJU O PRIJEDLOGU IZMJENA I DOPUNA BUDŽETA KANTONA SARAJEVO ZA 2019. GODINU.

Molim rezultate glasanja.

ZA JE GLASALO 21, PROTIV 8, SUZDRŽANIH NIJE BILO.

KONSTATUJEM DA JE SKUPŠTINA USVOJILA PRIJEDLOG IZMJENA I DOPUNA BUDŽETA KANTONA SARAJEVO.

Sljedeća tačka:

AD-3.

PRIJEDLOG ZAKONA O IZMJENI ZAKONA O IZVRŠAVANJU BUDŽETA KANTONA SARAJEVO ZA 2019.GODINU - HITNI POSTUPAK

Ima li potrebe da se objašnjava? Vidjeli ste sve u prezentaciji? Ima li pitanja? Nema. Ima li rasprave? Nema. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENI ZAKONA O IZVRŠAVANJU BUDŽETA KANTONA SARAJEVO ZA 2019. GODINU.

Molim rezultate glasanja.

ZA JE GLASALO 21, PROTIV 8, SUZDRŽANIH NIJE BILO.

KONSTATUJEM DA JE SKUPŠTINA USVOJILA I OVAJ ZAKON.

Četvrta tačka:

AD – 4.

NACRT ZAKONA O DOPUNAMA ZAKONA O PREUZIMANJU, IZMJENAMA I DOPUNAMA ZAKONA O ZAKUPU POSLOVNIH ZGRADA I PROSTORIJA

Nacrt ste dobili u dopunskom materijalu. Molim predstavnika Predlagača da podnese uvodne napomene. Nacrt je, nema potrebe. Rasprava je 10 dana jel tako ministre Bašiću? Suština je, kolega Deviću javili ste, diskusija. Za uvod nema potrebe kolega Dević se javlja da diskutuje.

Ima li neko prije toga pitanja, radna tijela? Nema. Kolega Dević diskusija izvolite.

Poslanik/zastupnik Mahir Dević.

Mi ćemo podržati naravno jer je u pitanju nacrt Zakona i dozvoliti prostor od tih 10 dana svim zainteresovanim stranama da daju svoje mišljenje po tom pitanju. A naravno kao Klub SDA i prijedlogu Zakona ćemo zauzeti svoj stav kada on dođe na dnevni red. Ali evo iz proceduralnih razloga jer je u pitanju nacrt koji dozvoljava da svi u njemu učestvuju mi ćemo dati podršku tome.

Poslanik/zastupnik Amra Junuzović-Kaljić:

Dakle ja samo želim da se zahvalim Vladi što je ovo stavila na dnevni red i stavila nacrt ove izmjene praktički u proceduru jer jako će nam puno doprinijeti prije svega ova izmjena predviđena izmjena doprinijeti jednom efikasnijem korištenju društvene imovine. Naime, praktična primjena dosadašnjih zakonskih rješenja je dovela do određenih problema. Prije svega zbog toga što zakupci koji nisu ispunjavali svoje obaveze i nisu se ponašali po zakonskim procedurama izazvali određene štete po društvenu imovinu zajedničku koju treba koristiti na efikasan način jer praktički ne stavljanjem poslovnih prostora u poslovnu funkciju direktno dolazi i do smanjenja i prometa roba i usluga, odnosno smanjenja poreskih prihoda, doprinosa, izvršenja drugih obaveza prema državi. I na taj način onda direktno ugrožavanja stope zaposlenosti. Tako da zahvaljujem Vladi na stavljanju ovoga nacrtu Zakona u proceduru.

Predsjedavajući:

Zahvaljujemo zastupnici Junuzović-Kaljić. Da li ima još prijavljenih? Ako nema zaključujem raspravu i predlažem da Skupština po Nacrtu zakona o dopunama Zakona o preuzimanju, izmjenama i dopunama Zakona o zakupu poslovnih zgrada i prostorija donese sljedeće Zaključke:

1. Utvrđuje se Nacrt zakona o dopunama Zakona o preuzimanju, izmjenama i dopunama Zakona o zakupu poslovnih zgrada i prostorija;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 10 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedlog zakona o dopunama Zakona o preuzimanju, izmjenama i dopunama Zakona o zakupu poslovnih zgrada i prostorija.

MOLIM ZASTUPNIKE DA PRISTUPE IZJAŠNJAVANJU O PREDLOŽENIM ZAKLJUČCIMA.

MOLIM REZULTATE GLASANJA.

ZA JE GLASALO 27, PROTIV I SUZDRŽANIH NIJE BILO, NIJE GLASAO 3.

KONSTATUJEM DA JE SKUPŠTINA USVOJILA OVAJ NACRT ZAKONA.

PRIJEDLOG ODLUKE O USVAJANJU PROGRAMA RAZVOJA ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA PODRUČJA KANTONA SARAJEVO ZA PERIOD 2019. – 2023. GODINE

Tačka pet koliko imamo informacije se povlači zbog sugestija. Premijeru Forto izvolite.

Premijer Edin Forto:
iz tehničkih razloga na doradu povlačimo ovu tačku.

Predsjedavajući.

Zahvaljujemo premijeru, e sada početak. Pitanja i inicijative. Kolege. Najbrži prst kolegica Bibija Kerla u formi od prvenstva. Kolegice Kerla Izvolite.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Poslanik/zastupnik Bibija Kerla:

Hvala lijepa. Ja imam danas dvije inicijative i par pitanja. Počet ću sa inicijativom za Ministarstvo rada i socijalne politike. Pokrećem inicijativu o produženju programa „Posao za sve” Zavoda za zapošljavanje Kantona Sarajevo. Molim moje kolege da se malo utišaju. Obrazloženje: programom Vlade Kantona Sarajevo i resornog Ministarstva ove godine nastavljen projekat „Posao za sve u Kanton Sarajevo”. Veliki broj radnika je protekla dva mjeseca bio angažovan u KJU Park i RAD, međutim dva mjeseca su veoma brzo prošla. Dobili smo čist i uredan grad ali da bi smo to zadržali predlažem da Skupština donese odluku da se iz predviđenih sredstava „Posao za sve” nastavlja aktivnost i sljedećih šest mjeseci kako bi smo onim ljudima koji su radili dva mjeseca na projektima javnih radova u Kantonu Sarajevo dali priliku da im se taj rad produži na šest mjeseci. I KJP Park i KJP Rad su uputili svoje zahtjeve Zavodu za zapošljavanje sa određenim brojem radnika pa predlažem da Skupština Kantona danas donese takvu jednu odluku. Koliko je meni poznato, svake godine do sada određeni dio sredstava za ovu namjenu se prebacivao za iduću godinu, a da se to ne bi dešavalo molim koje kolege da usvojimo ovu inicijativu kako bi oni koji su svojski odradili dva mjeseca mogli raditi još šest mjeseci i tako djelimično poboljšati svoju relativno slabu finansijsku situaciju. Ja molim ministra kasnije za jednu usmenu repliku, odnosno podršku za sve ovo.

Dalje, Pokrećem inicijativu o izbacivanju plastičnih kesa u svim maloprodajnim objektima.

Obrazloženje: Svi vrlo dobro znamo koliko štetu u zaštiti okoliša nanose plastične kese. Uzmimo samo korita rijeka koja su okićena plastičnim kesama, izletišta i sva druga javna mjesta. Bilo bi dobro da Skupština na nekim od narednih Sjednica donese Odluku o zabrani upotreba plastičnih kesa, s tim da se da određeni rok da se objekti koji prodaju robu a ujedno i plastične vreće za prilagođavanje ovoj Odluci. Ova Odluka je stupila na snagu u ostalim državama regiona pa ne vidim nikakvih problema da se to sprovede i kod nas.

Imam jedno pitanje a ono se odnosi Postoji li kakva sankcija kazna za izvođenje radova na mostu u naselju Halilovići. Obrazloženje, počela je popravka urušenog mosta u naselju Halilovići u Sarajevu na koju građani čekaju već nekoliko mjeseci. Međutim, uslijedila su nova razočarenja jer radnici beton i šutu s mosta bagerom istresaju u rijeku. Građevinci s bagerom komade betona i šute s mosta istresaju u rijeku Željeznicu koja protiče ispod mosta. Umjesto da ovaj otpad odvoze na to predviđeno odlagalište građevinskog materijala. Zato pitam da li postoji ikakve sankcije za ovakvo ponašanje izvođača radova.

Ministarstvu rada i socijalne politike, da li Kanton Sarajevo ima i ako ne, kada će Vlada donijeti Zakon o zaštiti i finansiranju porodica s djecom u poteškoćama razvoju. **Obrazloženje:** U Kantonu Sarajevo postoji zakon o djelatnosti socijalne zaštite, zaštite civilnih žrtava rata i zaštite porodice sa djecom i to propisan u Službenim novinama 38/14 ali u njemu ne postoji stavka

zaštita i finansiranje porodica s djecom u poteškoćama u razvoju pa me interesuje da li Vlada i resorno ministarstvo imaju u planu donošenje tog zakona. Ovim zakonom bi se zaštitile porodice koje imaju djecu sa posebnim potrebama a koje su gorući problem našeg društva. Imala bih još toga ali ostavljam mojim kolegama. Hvala lijepo.

Predsjedavajući:

Hvala kolegice Kerla. Zastupnik Mirza Čelik ima riječ.

Poslanik/zastupnik Mirza Čelik:

Zahvaljujem predsjedavajući. Ja sam predao nekoliko inicijativa i pitanja, ali ću danas pročitati samo jednu inicijativu a za sljedeću sjednicu, po osnovu ove inicijative ću pripremiti zaključak i molit ću na sljedećoj sjednici zastupnike da se izjasne po ovoj inicijativi.

Pokrećem inicijativu prema Ministarstvu za obrazovanje, nauku i mlade Kantona Sarajevo da u pripremama za predstojeću 2019./2020. školsku godinu, pri anketiranju učenika po pitanju odabira maternjeg jezika u školama obavezno primjenjuje odredbe člana 8. Ustava Kantona Sarajevo (Amendman na Ustav LIII), člana 7. Zakona o osnovnom odgoju i obrazovanju Kantona Sarajevo, člana 9. Zakona o srednjem obrazovanju Kantona Sarajevo kao i Zaključaka naučnog odbora Naučnog savjetovanja o pitanju jezika od 6. aprila 2019. godine. Obrazloženje neću čitati dostavit ću uz inicijativu i naravno tražit ću na sljedećoj sjednici kao što sam i kazao izjašnjenje zastupnika po ovoj inicijativi. Hvala.

Poslanik/zastupnik Jasmina Bišćević-Tokić:

Zahvaljujem. Pa evo ja bih zamolila i apelirala na Vladu na čelu sa premijerom da mi se dostavi odgovor na inicijative koje sam uputila još u martu mjesecu. Radilo se o inicijativi za donošenje uredbe kojim bi se propisala obaveza poslodavcima koji se bave trgovinom u Kantonu Sarajevo da radnicima ili radnicima na kasi moraju obezbijediti stolicu kao isto tako druga inicijativa je bila za neradne dane za vrijeme državnih praznika. Zahvaljujem.

Poslanik/zastupnik Admela Hodžić.

Zahvaljujem. Pokrećem inicijativu prema Kolegiju Skupštine Kantona Sarajevo da na narednu redovnu sjednicu Skupštine Kantona Sarajevo obavezno uvrsti kao tačku dnevnog reda Informaciju o migrantskoj krizi i bezbjednosnoj situaciji u Kantonu Sarajevo, odnosno prihvatnom centru Ušivak i općini Hadžići a što je Općinsko vijeće Hadžići tražilo svojim zaključkom koji će dostaviti Kolegiju Skupštine Kantona Sarajevo. **Obrazloženje:** Zbog narušene bezbjednosne situacije i sve većeg broja migranata na Općini Hadžići tražimo da se ova tačka obavezno uvrsti kao tačka dnevnog reda na sljedećoj Sjednici Skupštine Kantona Sarajevo. Zbog učestalih napada na stanovnike Hadžića, otuđenja ličnih stvari te štete koju nanese privrednicima Hadžića zbog učestalih krađa. Također su znatni i problemi u javnom prijevozu gdje na autobusnim stajalištima u svaki autobus uđe veća grupa migranata zbog čega vrlo često za naše građane nema mjesta u javnom prijevozu.

Sljedeća inicijativa je podnosim inicijativu Ministarstvu pravde i uprave Kantona Sarajevo za uspostavu "Registra novčanih kazni" prekršajnih naloga izdatih od strane Službi općinskih inspektora svih devet općina Kantona Sarajevo. Obrazloženje neću čitati sigurna sam da ministrica zna o čemu se radi i iz službi općinske inspekcije stoje na raspolaganju ukoliko ministrica ih pozove da razgovaraju o ovoj temi. Hvala.

Poslanik/zastupnik Elvedin Okerić.

Zahvaljujem predsjedavajući imam zastupničku inicijativu koju upućujem prema Vladi Kantona Sarajevo vezano za Peticiju koju su podnijeli stanari ulica Miroslava Krleže, Dobrinja Novi Grad. Podnosim inicijativu da se iznađe rješenje za njihove probleme, prije svega saobraćaj u mirovanju. Peticiju su već građani predali nadležnim putem protokola, a obzirom da se ovdje preklapaju nadležnosti Kantona i Općine potrebno je zajedno pristupiti rješavanju navedenih problema, vijećnik Mirza Selimbegović je podnio istu inicijativu i na Općinskom vijeću Novi Grad Sarajevo.

Obrazloženje:

Stanari nemaju na raspolaganju nijedan besplatan parking u ovom dijelu Dobrinje jer parking u blizini je pretvoren u trolejbusku okretaljku, a garaže koje su planski izgrađene za stanare date na upravljanje KJKP "Rad" (samo se djelimično koriste). Iz navedenih razloga stanari su vozila parkirali na trotoare iza zgrade te zadnja dva mjeseca svaki dan dobijaju parking kazne. Građani su predložili više rješenja te je potrebno ispitati u čijoj je nadležnosti cesta između ulica Miroslava Krleže i Vahide Maglajlić i da li je moguće iskoristiti po jednu traku za ucrtavanje parking mjesta za stanare, kao i u čijem su vlasništvu pomenute garaže, kojim ugovorom i na koji period su date KJKP Rad na upravljanje i pod kojim uslovima? Osim toga građani zahtijevaju da se ulice osiguraju postavljanjem znakova ograničenja, označavanjem pješačkih prelaza i horizontalnih usporivača, te uklanjanje nelegalnih objekata, uređenje i rekonstrukciju ulica i parkova, te redovnije održavanje istih. Hvala.

Poslanik/zastupnik Jasna Duraković.

Zahvaljujem. Ja za danas imam samo jednu zastupničku inicijativu koju upućujem prema Vladi Kantona Sarajevo. Naime, pokrećem inicijativu uz prijedlog da se konačno pronade rješenje da VIK poduzme hitno mjere na rješavanju vodosnabdijevanja naselja Krivoglavci u općini Vogošća. Padinski dio Krivoglavaca nema izgrađenu vodovodnu mrežu gradskog vodovoda. Isti se snabdijevaju sa lokalnog vodovoda koji je vrlo malog kapaciteta, što je najgore nalazi koji se rade mjesečno rijetko su kada uredni, kao i ova dva posljednja, za mjesec maj i juni. Ovaj problem općina Vogošća i VIK rješavaju, vjerovali ili ne, više od 10 godina. Još se nije našlo rješenje i naravno sve ostaje na obećanjima i nedostatku novca. Da li je zaista potrebno da se posebno obrazlaže ovaj problem ili ne daj Bože da se desi neka epidemija zaraze i slično, mislim da bi onda tek neko ozbiljno pristupio rješavanju ovog problema. Stoga zaista su građani su u panici, ogorčeni su na dosadašnju neodgovornost, kako općine tako i VIK-a, te se naravno nadam evo i ja Skupština KS, kao i Vlada KS poduzeti adekvatne mjere konačno da se ovaj problem riješi. Toliko hvala.

Poslanik/zastupnik Zvonko Marić.

Zahvaljujem predsjedavajući. Ja imam dvije inicijative i mislim da se tiču Ministarstva privrede i MUP-a Kantona Sarajevo. Žao mi je što ministar nije tu, ali znat će za ovu inicijativu.

Molim Ministarstvo unutarnjih poslova, budući da sam govorio i na sjednicama ranije o ovom problemu, o bespravnoj sječi, krađi, kriminalu u Šumama Sarajevo, dakle molim MUP Kantona Sarajevo da pruži asistenciju u okviru ili sukladno svojim mogućnosti i u okviru svojih nadležnosti naravno, uposlenicima Uprave za šumarstvo, kao i Kantonalnoj upravi za inspeksijske poslove u njihovim aktivnostima na sprečavanju bespravne sječe šuma. U njihovim redovnim aktivnostima se dešavaju napadi u vidu verbalnih prijetnji, fizičkih nasrtaja i napada, stoga molim da im se pruži sva moguća zaštita na obavljanju njihovog redovnog posla u borbi sa kriminalcima koji pustoše šumu i tako uskraćuju jedan vid budućnosti mladih ljudi koji bježe iz svakodnevnice koja im je kreirana na područjima Kantona Sarajevo ali u BIH.

Također molim da se pojača kontrola na javnim i magistralnim putevima, a naročito na

lokalnim putevima koji vode od mjesta ilegalne sječe do nepoznatih destinacija.

Molim da me nakon poduzetih aktivnosti ova Ministarstva izvijeste o tome što su učinili na ovom planu. I sukladno tome, ili na istom fonu, da kažem da molim Vladu Kantona Sarajevo da izvrši popunu sistematizovanih radna mjesta za šumarske inspektore unutar Kantonalne uprave za inspeksijske poslove kako bi se što efikasnije sprječavala bespravna sječa šume na području Kantona Sarajevo. Mislim da je ovo veoma važno i da će premijer Forto a i Vlada uvažiti ovu sugestiju i ovu inicijativu čim prije kako bi se spriječila enormna šteta koja se nanosi šumama Kantona Sarajevo.

Poslanik/zastupnik Hamed Aljović.

Zahvaljujem predsjedavajući. Moje pitanje je upućeno prema Ministarstvu za obrazovanje, nauku i mlade Kantona Sarajevo.

Molim Ministricu obrazovanja, nauke i mladih Kantona Sarajevo Zinetu Bogunić da mi odgovori koje mjere će poduzeti protiv odgovornih osoba u JU "Osnovna Muzička Škola" Ilidža zbog nezakonitog upisa u sudski registar Općinskog suda u Sarajevu i falsifikovanje službenih isprava? Naime, na 9. Radnoj sjednici Skupštine Kantona Sarajevo, održanoj 21.12.2015.godine postavio sam zastupničko pitanje „Molim Ministarstvo za obrazovanje, nauku i mlade Kantona Sarajevo da mi dostavi spisak osoba ko ji su predstavnici Ministarstva u školskim odborima u OŠ. Iz odgovora se vidi da JU "Osnovna Muzička Škola" Ilidža u tom periodu nije imala Školski odbor. Međutim, dana 11.06.2019.godine dobio sam Historijski izvod iz sudskog registra iz kojeg se vidi da je u periodu 2015-2016.godina u Sudski registar bili upisani Dijana Preljević i Mustafa Mujibegović kao direktori JU "Osnovna Muzička Škola" Ilidža. Budući da znam da bi se upisali u Sudski registar morate imati Odluku Školskog Odbora o izboru direktora nije mi jasno kako su se isti upisali kao direktori? Zahvaljujem.

Poslanik/zastupnik Vildana Bešlija:

Hvala. Ja ću pročitati, imam više pitanja i inicijativa koje ću dostaviti u pisanoj formi ali ću pokušati dvije, eventualno ako stignem, tri, kratko predložiti ovdje. Prva je u upućena Ministarstvu prostornog uređenja, građenja i zaštite okoliša. Odnosno to su pitanja. Ko je nadležan za upravljanje i održavanje izletišta Stojčevac? Ko ima pravo da naplaćuje parking i boravak na pomenutom izletištu? Da li nadležne kantonalne inspekcije obilaze preko vikenda izletišta i kako je moguće da neka grupa građana naplaćuje parking a da ne postoji cjenovnik na ulazu na izletišta i uz to da se tjerao posjetio zbog dolaska sa kućnim ljubimcima, psima? Također jedna druga inicijativa koju upućujem prema dva Ministarstva. Ministarstvo saobraćaja Kantona Sarajevo i Ministarstvo komunalne privrede i infrastrukture Kantona Sarajevo. Znači inicijativa za nabavku i montažu kanti za smeće na svim stajalištima javnog prijevoza, tramvajskim, trolejbuskim i autobuskim. Neophodno je izvršiti analizu ukupnog broja svih stajališta na području svih opština Kantona Sarajevo te okvirnu procjenu okvirnih finansijskih sredstava za nabavku i montažu kanti za smeće na svakom od stajališta. Realizacija se može planirati u dvije faze da se prvo pokrije centralno jezgro Kantona tje područje četiri gradske opštine kao i čitavu dužinu tramvajske i trolejbuske linije i druga faza pokriti ostale općine u Kantonu Sarajevo. Ovo je samo jedna od mogućnosti a naravno najbolje bi bilo kada bi se odmah pokrila sva stajališta u centralnim dijelovima opština. Zbog svega navedenog na prijedlog vijećnice u Općinom vijeću Ilidža Azra Jahić podnosim ovu inicijativu te smatram da bi najučinkovitije bilo da gore pomenuta dva Ministarstva nađu zajedničko rješenje za ovaj problem čim prije. Posebno moram naglasiti da ni velika akcija čišćenja koja je trajala u protekla dva mjeseca neće imati nikakav značaj ukoliko tramvajska i autobuska stajališta i da lje ostanu mjesto razbacanog smeća. I također treća inicijativa koju upućujem prema Ministarstvu saobraćaja i Vladi Kantona Sarajevo. Odnosi se na izgradnju parkinga i uvođenje dodatnih naprava za kratkotrajno parkiranje bicikala kako bi se stvorili

bolji uslovi za korištenje bicikala kao prevoznog sredstva u Kantonu Sarajevo. I to za parkiranje na kraći period trebalo bi odvojiti veći broj manjih rezervisanih površina i te ih opremiti prikladnim parking sistemom koji podupire bicikl i za koji se može sigurno pričvrstiti i za parkiranje na duži period u kojem bi se slučaju trebala obezbijediti povećana zaštita od krađe, izgradnja zaštićenih parking mjesta, poput spremnika i nadziranih stanica. Hvala. Znači molim na sve inicijative pisani odgovor.

Dopredsjedavajuća Danijela Kristić:

Zahvaljujem predsjedavajući. Ja sam u januaru podnijela zastupničko pitanje za KCUS. Obzirom da nisam dobila nikada odgovor, ponoviti ću istu.

Da li je KCUS imenovao osobu za finansijsku unutrašnju kontrolu tj. Koordinatora za finansijsko upravljanje i kontrolu koje je definisano članom 14. Pravilnika o provođenju finansijskog upravljanja I kontrole u javnom sektoru FBiH, objavljeno u Službenim novinama FBiH br.06/2017. Ako jeste, molim ime i prezime te osobe, kao i Odluku o imenovanju i molim da se dostavi Skupštini KS Izvještaj za 2017 godinu, koji je trebao biti sačinjen u skladu sa Zakonom o unutrašnjoj finansijskoj kontroli i Pravilnikom o provođenju finansijskog upravljanja i kontrole u javnom sektoru FBiH član.10, objavljeno u Službenim novinama FBiH br.06/2017. A sada možete ujedno dostaviti izvještaj za 2018, pošto je i on morao biti gotovo. Hvala.

Poslanik/zastupnik Amel Mekić:

Hvala vam predsjedavajući. Imao bih dva pitanja za ministricu obrazovanja, gospođu Bogunić. Prvo pitanje šta planira poduzeti kako bi eksterna matura u OŠ bila stvarno sprovedena? Obrazloženje: dobio sam veliki broj žalbi od roditelja gdje se jasno ukazuje da se na maturi učenici puštaju da prepisuju i na taj način omogućava da se u isti koš svrstavaju djeca koja su stvarno učila i naučila i djeca koja to nisu. I drugo pitanje. Da li razmišlja da se uradi kategorizacija srednjih škola prilikom upisa na fakultete. Obrazloženje kratko: jer nije isto završiti tekstilnu školu i Bošnjačku gimnaziju a isto se na kraju boduje prilikom upisa. Detaljno obrazloženje ću dostaviti službama i ministricama. Hvala.

Poslanik/zastupnik Dizdarević Neira.

Hvala predsjedavajući. Pa s obzirom da je ministrica Bogunić danas opravdano odsutna kako smo već čuli imala sam namjeru da joj postavim ovo pitanje i da zamolim za usmeni odgovor, ali evo ovim putem onda molim da mi se odgovori pismenim putem iz razloga što smo bili svjedoci posljednjih dana u medijima raznih natpisa vezano za pohađanje nastave po EDUS programu za djecu s poteškoćama u razvoju. Interesuje me u kojoj je fazi rješavanje problema pohađanja nastave po EDUS programu i da li je tačna informacija da zbog nedostatka resursa EDUS Neće moći realizirati ljetnu školu? Ostalo ću predati u pisanoj formi da ne bih oduzimala vrijeme dalje. Hvala.

Poslanik/zastupnik Damir Marjanović:

Zahvaljujem. Dakle jedno pitanje i jedna inicijativa. Pitanje da li su članovi školskih odbora dužni prilikom izbora direktora srednjih škola tražiti mišljenje i uvažiti isto mišljenje struktura iz kojih su izabrani. Obrazloženje: Prema članu 142 Zakona o srednjem obrazovanju Kantona Sarajevo propisan je sastav školskih odbora i jasno je precizirano koje strukture daju svoje predstavnike u školskom odboru. No, navedeni Pravilnik ostavlja nedoumice glede tumačenja uloge predstavnika ovih struktura u izboru direktora, tj. da li članovi školskih odbora u ovom procesu su dužni da zastupaju interese struktura koje predstavljaju ili samo iznose svoje osobno mišljenje. Što se tiče zastupničke inicijative, prošli put smo odlučili da idemo u reviziju visokog obrazovanja. Sada bi vrijeme bilo Zakona o srednjem obrazovanju. Tako da pokrećem inicijativu da se odmah pokrenu aktivnosti glede pripreme izmjene Zakona o

srednjem obrazovanju sa posebnim osvrtom na član 142 stav 29 po kojem sastav školskih odbora čini paran broj članova. Normalno tu podrazumijeva ostale članove Zakona i cijeli Zakon revidirati. A namjerno smo izdvojili ovaj nonsens gdje u jednom upravljačkom tijelu imate paran broj članova. Hvala velika.

Poslanik/zastupnik Sead Milavica:

Zahvaljujem predsjedavajući. Ja za danas imam samo jednu inicijativu. Upućujem je Vladi Kantona Sarajevo. Na osnovu člana 106 i 213 Poslovnika Skupštine Kantona Sarajevo Sl.Novine Kantona Sarajevo broj 25/10, 14/11, 19/11, 7/12, 26/12 prema Skupštini Kantona Sarajevo, pokrećem inicijativu prema Vladi Kantona Sarajevo kojom bi se povećao stepen socijalne inkluzije osoba sa poteškoćama u razvoju, posebice osoba sa intelektualnim poteškoćama prilikom angažovanja na budućim javnim radovima akcijama, te radnim odnosima na poslovima za koje nisu potrebne posebne vještine i za koje ne postoji velika zainteresovanost u Kantonu Sarajevo na minimalno 20% od ukupnog broja otvorenih pozicija. Ja ću pročitati samo jedan dio obrazloženja ovo ostalo ću dostaviti u pisanoj formi.

Dakle, osobe sa poteškoćama u razvoju su jedna od ekonomsko i socijalno najranjivijih kategorija društva, a na njihovu dobrobit utiče postojanje sistemskih prepreka koje ograničavaju njihovu mobilnost, pristup uslugama, učešće u obrazovanju, tržištu rada i slobodnim aktivnostima, kao i njihovo ukupnu socijalnu uključenost i ekonomsku nezavisnost. Također, pored svega navedenog, osobe sa intelektualnim teškoćama ili složenim potrebama su izloženi stigmatizaciji društva, a to je posebno pogubno za mlade ljude koji spadaju u ovu kategoriju. Kreiranjem posebne kvote od 20% za angažiranje ove kategorije društva, prilikom planiranja i implementacije svih budućih akcija, kao što je nedavna akcija čišćenja Kantona, postiže se niz pozitivnih efekata za sve uključene strane. Dakle obrazloženje je malo duže ali evo ja ću ovo dostaviti u pisanoj formi. Hvala.

Predsjedavajući.

Zahvaljujem kolega Milavica. Naša kolegica Kerla ima zahtjev za izjašnjavanjem skupštinskim, ali je ovo kolegice Kerla inicijativa koja iziskuje materijale troškove i mi moramo imati izjašnjenje Vlade prije toga. Mi Vladi prosljeđujemo inicijativu, nakon toga ćemo se izjasniti. A kolega Kerla je tražila usmeno stav ministra Garibija po ovom pitanju. Ministre izvolite.

Ministar Malik Garibija.

Zahvaljujem. Jedan od većih problema koje je Služba za zapošljavanje imala u prethodnom periodu bilo je upravo ne iskorištavanje sredstva odnosno prenos sredstava iz godine u godinu. Tako nam se desilo da ove godine imamo budžet od oko 50 miliona KM što je u situaciji kada vam je nezaposlenost jedan od najvećih problema u državi zaista zabrinjavajuće. Pred staru upravu, uprava koja je nedavno smijenjena. Stavio sam zadatak da se moraju potrošiti sva sredstva u toku budžetske godine. Za srijedu, prekosutra imam zakazan sastanak sa predstavnicima nove uprave od kojih ću isto to tražiti. Taj sastanak smo i dogovorili da naprave jedan pregled koliko je to sredstava ostalo da nisu realizovana i u kontaktu sa aktuelnom v.d. direktoricom smo razgovarali upravo na ovu inicijativu. O mogućnostima da se realizuju po postojećim programima, rečeno mi je da tu neće biti problema i mi smo spremni da idemo u ovaj projekat. Jel trebaju obrazloženje za ove druge dvije inicijative?

Predsjedavajući.

Samo je jedna bila usmeno kolegice Kerle. Zahvaljujem. Više nije bilo zahtjeva da usmenim

obraćanjem. I time smo iscrpili dnevni red današnje sjednice. Ako vam se ostaje sala je slobodna do sutra. Hvala vam na još jednom vrijednom danu.